

De peste liber / [Richard Mead].

Contributors

Mead, Richard, 1673-1754.

Publication/Creation

Londini : Guil. & Joh. Innys, 1723.

Persistent URL

<https://wellcomecollection.org/works/tk7872af>


License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>



~~E E S i~~

62856/B

$$\frac{c}{a^2}$$

2
The Library of the
Wellcome Institute for
the History of Medicine

MEDICAL SOCIETY
OF LONDON

Accession Number


Press Mark

MEAD, R.



Digitized by the Internet Archive
in 2019 with funding from
Wellcome Library

<https://archive.org/details/b30526139>



Hofman.

U5

D E
P E S T E.

ДЕ
ПЕСЕН

L. t. 34
L. n. 26

D E
P E S T E
L I B E R:

Auctore

RICHARD O MEAD, M. D.
Collegii Medicorum Londini,
& Societatis Regiae Socio.

MEDICAL SOC
LONDINI



L O N D I N I :

Impensis GUIL. & JOH. INNYS,
M. DCC. XXIII.

DE
LIBER

Augste

RICHARD MEAD M.D.
Collège Medicorum Fons
Society Regiae Socie

EDWARD
BROWN



LONDINI
MDCCLXII
JULY 1762
EDWARD BROWN



Honoratissimo Viro,
JACOBO CRAGGS,

Regi ab Epistolis,

S. P. D.

RICHARDUS MEAD.



IBI, vir illustris-
fime, submisse
offerō, quae de
peste praever-
tenda cogitata jussū tuo
conscripti. Cum primum
A enim

enim nunciare mihi dignatus essem, viris principibus, qui, rege absente, summam rerum administrabant, ad communem salutem necessarium videri, ut idonea traderentur consilia, quibus pestis inter Gallos saeviens a nobis averteretur, hoc munera libentissime suscepimus: quod per tempus autem brevissimum, ac paululum otii ab aliis necessariis occupationibus mihi concessum, tantummodo licuit,

licuit, summa potius cau-
tionis adhibendae capita,
quam ordinatam pree-
ceptionum seriem pro-
posui.

ALTERUM consilii
caput, in quo de quadra-
gesimis agendis, aliisque
rebus eodem spectanti-
bus, differitur, iis, quae
apud alias gentes usu com-
probata sunt, convenire,
additis quibusdam novis
praescriptionibus, tu, qui
in Europae historia op-
time

time versatus es, facilli-
me percipies. Alterum,
quod sequitur, de conta-
gione, si huc adferatur,
supprimenda, licet a dis-
ciplina inter nos olim,
ac vulgo apud exterros
recepta, plurimum dis-
crepet; nullus tamen du-
bito, quin rationi con-
sentaneum reperiatur.

NIHIL magis in votis
habeo, quam ut rationes
prudentissimae, de priori
praeceptorum genere ab
iis,

iiis, penes quos est hujus
rei administratio, & ini-
tae & ineundae, posterius
inutile reddant: nihilo-
minus tamen expedit ar-
ma nobis semper ades-
se, quibus hostem adeo
formidabilem propulse-
mus.

UTINAM sane hoc
breve opusculum, ut sin-
gularis tuae in patriae sa-
lutem vigilantiae docu-
mentum, nostrique insu-
per summi in te obsequii
&

& observantiae testimoniūm, publice accipiatur.
Vale.

A. d. vii. cal. Decembris,
ann. M. DCC. XX.



LEC.

LECTORI S.

QUAE fuerit operis hujus occasio, quid praeclarissimi scriptoris consilium, & quid in eo praestiterit, ex ipsius epistola & praefatione facile edisci possunt. Quod ille autem patria lingua in usum popularium suorum confecit, id jam Latine versum cum toto orbe literario, ut par erat, communicatur. Quanti ab iis aestimatum fuit, quorum gratia composuit, ex eo plane manifestum est, quod intra paucos menses octo illius editiones divenderentur. Nec omnino dubitari potest, quin omnes erudi maximo videndi studio teneantur, quae vir tanti nominis de morbo scripserit, qui peritissimorum medicorum ingenia adeo exercuit. Optandum sane fuit, ut idem vir praestantissimus, qui optime potuit, hac in re gratum illis facere voluisse. Sed cum ob curas graviores, quibus in humani generis salutem assidue occupatur, id nequaquam sperare licuit;

ne

ne tam opportuni beneficij fructu exteri
utique privarentur, alia ratione provi-
dendum fuit. Ex octava autem editione
Anglicana haec versio facta est, quae
tum rationum pondere, tum auctorita-
tum atque observationum copia, qui-
bus singula, quae traduntur, praecepta
confirmationem accipiunt, priores om-
nes longe exsuperat. Etenim quod pri-
mum tanquam breve commentarium,
prout temporis ratio postulabat, ede-
batur; ut ex epistola primae editi-
oni praefixa liquet, quae hic exhi-
betur; in justum nunc volumen ex-
crevit, quo argumentum, ut per se
difficillimum, ita praesenti rerum sta-
tu utilissimum, plene & eruditissime
tractatur. Quanquam autem id
ante omnia propositum fuerit, ne ab
illustriſſimi auctoris mente versio haec
usquam recederet; nonnulla tamen
hic passim leguntur, quae in Angli-
cana editione non comparent: nam
jussu ipsius quaedam planius expli-
cata, & quaedam nova nunc pri-
mum addita fuerunt. Vale.



PRAEFATIO.

CUM primum hunc tractatum scripsi, nec praceptorum tunc traditorum rationem tam diligenter exponere, nec tanta auctoritatum copia eadem confirmare, quam alias fecisset, temporis angustiae mihi permiserunt. Quae igitur antea desiderabantur, aliquatenus supplere nunc conatus, pestem, ejusque causas plenius descripsi, & exempla quaedam enumeravi, quae rationes a me propositas, ubi tentatae fuerint, successu prospero non caruisse com-

B probant.

probant. Item breve de pestis curatione caput ut adjicerem adductus fui, cum cogitarem quam longe plerique auctores in eo erraverint, quod tantum cumulum inutilium ac saepissime noxiorum medicaminum praescripserint, quibus speciosa nomina antidotorum, specificorum, & alexipharmacorum tribuunt: magna que, ut arbitror, convenientia, quam inter pestem & variolas observavi, causa satis justa videbitur, cur de morbi mihi adhuc inexperti curatione differerem.

PRAETEREA morbi hujuscce contagioni demonstranda magis nunc immoratus sum, quam, post longam per tot secula jam in Europa pestis experientiam, facto unquam opus fore credidisse; nisi clarissimos quosdam in Gallia medicos contrarium probare nuperrime conatos esse, haud sine admiratione observaveram; idque dum

dum luculentissima, quibus confutari potuissent, argumenta oculis obversarentur. Et profecto nequeo quin demirer cl. Chicoyneau, caeterosque medicos, qui primum observationes in pestem, dum Massiliae grassabatur, ediderunt; cum in cogitatis suis, quae postea in illas observationes vulgarunt, virum peste correptum fuisse narrant, dum mulierem adolescentem humo mandaret eo morbo extinctam, ad cuius cadaver nemo aliis accedere audebat; neque tamen morbi causam attribuunt ulli contagio a muliere derivato, sed dolori tantum, ob mulieris, cuius nuptias ambierat, obitum contracto, ac diarrhoeae, qua aliquandiu laboraverat*. Non dubium est, quin haec ad vim morbi augendam multum contulerint, imo

* Reflēct. sur la maladie de Marseille & Aix,
p. 38, 39, 40.

& contagioni cum obnoxium reddiderint; at non video, quidni infectus fuisse credatur, cum rei adeo perspicua esset ratio. Porro ne minimam quidem rationis speciem magis percipio, cur pestem ex contagione ortam negent, in quam generosam quandam virginem incidisse tradunt, quae pestilentem tumorem, in ancillae suæ corpore jam tum eruptum, subito forte conspexit; nec aliam morbi causam, praeter repentinum mentis terrorem, agnoscant*.

SED revera his medicis illa placuerat sententia, quod Massiliae longus ciborum insalubrium usus fecerat pestilentiam; & in animis ista opinio ita penitus insederat, ut ne evidentissimis quidem argumentis

* Ibid. 113.

evelli potuerit. Et hoc plurimum evenire solet, si conjecturis indulgentes, rerum naturam investigandi veram rationem negligamus.

HAUD me fugit, opinionem ipsius suam experimentis quibusdam, iisque sane egregiis, quae fecerat cl. Deidier, satis videri confirmata*. Is enim bilem cadaveris peste infecti in canis venas injecit; quae, tentamine saepius iterato, omnia pestilentiae signa, etiam externa illa glandulorum tumorum & carbunculorum, semper produxit. Unus ex canibus, in quo illud experimentum ita successerat, per trimestre antea spatium cadaverum infectorum carnibus vesci, & ulce-

* Journal des savans, du 9. fevrier, 1722. & Observations sur les causes de la peste de Marseille, & sur la maniere dont cette maladie se communique, par M. Deidier, Robert, & Rimbaud, en MS.

rum pestilentium panniculos rodere illaesus, observabatur.

CUM haec autem experimenta in illum finem instituebantur, ut rationes ex iis confici possent, auctor accuratius processerat, si prius tentasset quid bilis in canis stomachum recepta fecisset; item si expertus esset quem effectum alii praeter bilem corporis succi, ut etiam sanies ex pestiferis ulceribus manans, in venas injecta habuissent. Pro certo enim statui nequit, bilem, quocunque demum modo in corpus insinuatam, idem efficere potuisse: quandoquidem scimus venena quaedam validissima esse, cum sanguini recta admisceantur; quae tamen in stomacho nihil valent: sic viperae venenum, in vulnere quantumvis perniciosum, sine noxa in stomachum immitti potest *. Et ex altera

* Vid. Mechanical account of poisons, p. 24.
parte

parte alii forsan corporis succi,
praeter bilem, in venas injecti,
item bubonum vel carbunculorum
fanies, morbum facere potuissent;
sicut in variolarum inoculatione,
contagium a pustularum pure im-
pertiri cernimus. Et revera poste-
rioribus experimentis inventum fuit,
bilem infectorum hominum in ca-
nis stomachum immissam morbo
eum afficere non potuisse; contra
vero sanguinem e corpore cuiusdam
peste extincti eductum, & in canis
venas injectum, morbum procre-
asse*. Rem sic ulterius persequendo
mihi gratissimum fecerunt, quia de
duabus conjecturis, quemadmodum
contagio contrahitur, a me traditis,
quid potissimum statui debet, qua-
dantenus hinc percipiatur. Etenim
cum ex illis succis, sanguini recta

* Lettre de M. Courier a M. Deidier, &
Extr. d'une lettre de M. Deidier, *en MS.*

admistis,

admisisti, morbum concipi compertum fuerit, qui in stomacho nihil istiusmodi effectus habuerunt, vero simillimum videtur contagionem plerumque per pulmones recipi. Utile tamen erit cautiones, harum conjecturarum alterutra nixas, haud quam negligere; nisi prius res hujusmodi corruptas in stomachum immisgas, aequa hominibus, ac canibus, non nocere pro certo habeatur: praesertim cum observatum fuit, bilem infectam canem haud parum perturbasse, & indicia quaedam insignia produxisse, cuiusmodi inter alia fuit foetida urina: nam si bilis hujus effectus in cane majores essent, quam eadem quantitas bilis non infectae in animali, pesti haud communiter obnoxio, peperisset; homo forsan ab infectis succis, in stomachum receptis, morbum hunc contraheret.

SED ut hoc missum faciam, illa est argumentandi ratio, quam ex his experimentis ducunt * : Quoniam bilis canes inficit, qui ab hominibus eodem modo, quo a se invicem homines infici putantur, noxam non contrahunt : concludunt igitur non solum bilem magis, quam caeteros corporis succos, contaminari, quo nihil amplius inde colligi potest ; sed etiam homines non eo modo, quo vulgo creditum est, morbo implicari : bilem enim primum vitiari, atque hoc vitium alimento insalubri necessario tribendum esse ; quo bilem potissimum affici volunt. Adeo festinanter conclusiones ducunt ! At neque certum est bilem citius, quam alias humores, insalubri vietu corrupti ; neque,

* Observationes MS. supra citat.

licet maxime corrumpatur bilis, eam
vitio suo morbum producere. Cum
morbus, impertiendo praeter natu-
rae modum sanguini & humoribus
acrimoniam, operetur; non utique
mirum est, si humores isti, quos
maxime acres finxit natura, vim
morbi praecipue sentiant: non au-
tem inde sequitur, bilem posse adeo
corrumpi, ut, nulla contagione con-
tracta, morbum generet. Et men-
dose prorsus colliget, qui homines,
si inter aegros versentur, peste in-
fici non posse affirmaverit; quia ca-
nes, si ad homines ea laborantes
accedant, non inficiuntur. Con-
tra, cum humano corpori inesse
sciamus humores, qui morbum di-
versi generis animalibus, nec alio-
quin fere eidem obnoxiis, commu-
nicent; eo sane probabilius est, per
effluvia, quae homines illo infecti
emittunt, in alios homines traduci
posse.

CONT A-

CONTAGII hujus argumenta his inter Gallos medicis ob oculos admodum perspicua fuisse constat, non modo ex illis exemplis, quae ab ipsis memorata esse supra ostendi: sed etiam ex iis, quae medici eximii le Moine & Bailly* scripsierunt, partim de modo, quo pestis Canoncam apud Gabalos afferebatur; partim vero de exemplo quodam magnae veneni hujus subtilitatis, quod Mariologii accidit, ubi in templo, quo ex infecta domo quidam venerat, non pauciores quam sexaginta homines inficiebantur. Jam pestis Massilia Canonicam hoc pacto transivit: Homo quidam ad remos damnatus, qui Massiliae vespillonis officio fungebatur, inde ad sancti Laurentii de Rivedolt oppidulum,

* *Vid.* Lettre de Messieurs le Moine & Bailly.

a Correiaco leucam distans, aufugit. Ibi in quendam Correiaci incolam, propinquum suum, incidens, tuniculam ei, ac par tibialium, quae secum advexerat, donavit. Propinquus ille domum reversus, intra biduum triduumve obiit, neque multo post tres filii una cum matre concesserunt. Filius ejus, qui Canonicae habitabat, huc se contulit ad humandam familiam, ac rediens dono dedit pallium, quod attulerat, sororio suo, qui lectum eo sternens, puerulum, cum ipso simul dormire solitum, intra unum diem amisit, & biduo postea uxorem, atque ipse tandem intra septem aut octo dies decessit. Parentes denique defuncti bona adeuntes, eodem fato, quo reliqua haec infelix familia, perierunt.

HINC abunde manifestum est, Gallicis medicis nihil causae fuisse, cur, contra communem opinionem, pestem

pestem contagiosam esse negaverint.
Eatenus tamen illorum rationem
habui, ut in contagione probanda
diutius moratus sim, ne quis viro-
rum opinione, qui in hoc morbo
adeo fuerunt experti, in errorem
duceretur; in re tanti praesertim
momenti, ut omnia de quadrage-
simis praecepta, totumque fere con-
silium nostrum, ea nitantur. Si
haec enim opinio falsa probetur,
quadragesimae, reliquaeque omnes
id genus morbi avertendi rationes, ut
prorsus inutiles, rejici debent. Sed
cum mihi adhuc persuasissimum sit,
pestem morbum esse contagiosum,
in praecepsis, quae ad quadra-
gesimas spectant, nihil immutavi;
in quibus nihil, ut spero, a me pro-
positum fuit, quod commerciis ob-
sit, quandoquidem ea, quae suaferim,
parum ab iis sunt diversa, quae in
omnibus Italiae portibus, negotia-
torum mercatu frequentatis, locisque
aliis,

aliis, jam longo usu recepta fuere. Et profecto si vicinis nostris essemus in hoc remissiores, nullus dubito, quin periculi illis a nobis impendentis metus nostrorum commerciorum libertatem maxime intercluderet.

Ut paucis rem expediam, nulla causa mihi librum hunc jam recensenti inventa fuit, cur a sententia mea recederem; aut quicquam immutarem in praceptis, quae vel de quadragesimis agendis ad pestem a regione qualibet arcendam tradidi; vel de eadem, ubi advenerit, tractanda: contra autem certioribus argumentis impellor, ut credam illa esse morbi naturae aptissima, ideoq; ut plurimum, quibus utamur, maxime idonea. At vero quatenus expeditat, pro vario rerum publicarum statu, potestatem ad singula eorum exequenda necessariam concedere, non est medici definire.

Potestas

Potestas haec sine dubio iis limitibus semper coerceri debet, ut populi jura & libertas haud unquam in periculum adducantur. Evidem ut nihil aliud mihi in hoc negotio suscipiendo proposui, quam ut in publicum consulerem, & genus humanum in omnium calamitatum tristissima, quoad possem, sublevarrem; ita nihil aegrius ferrem, quam si quid a me profectum, ansam vel minimam crudelitati & oppressioni praeberet.

A t quaenam causa sit hujusmodi aliquid verendi ex quoquam a me proposito, sane non percipio. Nam quid futurum est periculi, si, peste grassante, potestas ea administrandi, quae ad populi tractationem pertinent, vel concilio salutis, vel aliis magistratibus permittatur, a quibus, sicut a reliquis omnibus in civili aliquo munere constitutis, quemadmodum.

modum in officio se gesserint, ratio
exigi possit? Id tamen curandum
viris in republica exercitatiōribus re-
linquo. Certum autem scio, &
aegros humanius tractatum, & mor-
bi progressum melius cohibitum iri,
per vias hic traditas, quam per a-
lias quaslibet, vel in nostro, vel in
aliis regionibus, hactenus fere adhi-
bitas.

CONSUETUDO apud nos, sena-
tus decreto rata, quascunque pestis
occupaverit familias, in suis aedi-
bus, tanquam in carceribus, conclu-
dendi, nemini aut ingrediendi, aut e-
grediendi copia concessa, iis tantum
exceptis, quos ex publica auctori-
tate necessaria aegris officia praestare
oportet, acerbissimae certe severi-
tatis multum p̄ae se ferre mihi vi-
detur: nam ejusdem morbi peri-
culo totam familiam objiciendo,
omnes in mortis genus, si quod
aliud

aliud est, severissimum quodammodo tradit. Cuicunque igitur id accidit infortunii, ut primus in ullam familiam morbum intulerit, intolerabilem istam anxietatem & languorem animi, quae hunc morbum maxime comitantur, multo impensius augebit molestissima illa cogitatio, quod propinquos & amicos sibi charissimos in idem exitium conjecerit. In summa, hac demum ratione efficitur, ut morbus pro singulis hominibus, quos alias forsan tolleret, totas jam familias abripiat.

TRACTATIONIS ratio apud Gallos suis, iisque haud levibus, incommodis non caret; ut nuper etiam cl. Hecquet, medicum Parisiensem, merito questum fuisse video *. Ae-

* *Traité de la peste*, p. 255, &c.

grotorum in nosocomiis coarctatio nulli usui esse potest, imo potius contagionem augebit & disperget, & praeterea ipsos aegros summis difficultatibus afficiet. Miseriarum, quibus humanum genus opprimit hostis hic infensissimus, ea non est minima, quod, cum leviores calamitates hominum animos ad mansuetudinem & misericordiam movere solent, in hoc malorum gravissimo contrarium evenit. Sive enim pravae indolis homines, his turbidis tempestatibus spe impunitatis induci, malo suo ingenio, quod poenarum metus alias refrenat, laxiores habenas remittant; sive assiduo calamitatum angustiarumque conspectu mentes hominum quasi occallescant, omnemque humanitatis sensum penitus exuant; sive ex alia quacunque causa exoriatur: certum est iis tempestatibus, quibus omnes oportet collatis viribus eniti,
quo

quo furori communis miseriae ob-
sistant, homines adeo nullam of-
ficiarum inter se rationem habere,
ut contra, ferissimae crudelitates,
aliis temporibus ignotae, ab iis sae-
pe exerceantur. Ita refert Diemer-
broekius se multoties vidisse noso-
comia sceleratorum curae concredi-
ta, qui non tantum per inhu-
manam negligentiam multis pereundi
causa fuerunt; sed etiam ipsi non-
nunquam infirmioribus, aut quorum
foetida ulcera sanationem difficilem
reddebant, mortem suffocando ac-
celerarunt. Malebant igitur aegri
multis in locis sub dio per agros de-
cumbere, ubi vel tenuissimi aliquid
tegminis nanciserentur; quam sa-
ludem suam barbaris istis nosoco-
miorum custodibus committere *.
Ut finem faciam, etsi primum aegros,

* Diemerbroekius de peste, p. 120.

dum pauci sint, ex oppido educere, sola sit probabilis morbum sistendi via, utpote qua contagionis causa tollitur; tamen si haec minime successerit, morbusque passim se nihilominus diffuderit, non ulterius prodesse potest, ideoque est omnino rejicienda.

ITEM rigida disciplina, quae apud Gallos ad valla, quibus loci infecti cinguntur, observatur, plurima secum importat incommoda. Omni enim transitu ab infectis locis omnino intercluso, eidem communī periculo, tam a morbo, quam a maleficiis illic admissis impendenti, subjiciuntur illi, quorum fortunae evadendi copiam alioquin praebarent. Et hoc profecto, in omni regione libera, nihil aliud aestimandum est, quam libertatis hominum, jurisque naturalis violatio, nullo unquam pacto toleranda.

HIS

His jam incommodis rite expensis, mira voluptate afficior, quod praecepta nostra iis prope, imo penitus, sint immunia; & justa tamen morbi ratio habeatur. Quum primum aegrorum numerus increverit, suadeo ut domi maneant, nec asperrimis istis legibus aut ipsi, aut ipsorum familiae, uti olim, coercentur. Recte forsan praeceperim, ne, qui domum infectam vel frequentant, vel habitant, unquam foras progrediantur, quin longum baculum coloris cujusdam singularis secum circumferant, vel aliud quodlibet signum, quo viso, qui obviam eant, a liberiori cum illis congressu & colloquio cavere moneantur: quem morem in locis quibusdam hisce occasionibus usitatum fuisse intellexi. Aegros velim, non nisi sub morbi initium, domibus emigrare, dum sine incommodis jam dictis

dictis adhuc fieri possit, & ab ipsis
plerumque exoptari debeat. Vix
unquam notum fuit, quin morbus
inter pauperiores primo sit coor-
tus. Jam hujus disciplinae legi-
bus ii soli adstringentur, quorum
aediculae prae spatii angustia aegro-
tantibus sint admodum incommo-
dae. Nostrum igitur consilium eo
praesertim spectat, ut pauperibus,
qui primi morbo fuerint correpti,
subveniatur, in domicilia suis com-
modiora eos removendo, ubi om-
nia ipsis necessaria melius quam do-
mi suppeditentur. Nec tam peri-
culosum erit illos dimoveri, quam
in morbo adeo terribili imperiti fa-
cile credunt; quum in variolis id
tuto quotidie fiat. Et quemadmo-
dum supra observatum fuit, aegros
in nosocomiis publicis ab immiti
ministrantium tractatione multa sae-
pe passos fuisse; hic paululum ad-
modum, aut nihil est, quod ex ea
parte

parte timeatur: hanc enim aegrotum migrationem suasi, antequam longa calamitatum series maleficia & animi duritiem produxerit. Imo sperandi locus est, fore ut diligenter potius curentur, quum morbi refrenationem, & suam idcirco salutem, omnes ex ea re pendere crediderint. Porro ut haec tractatio & tuta & utilis erit aegris, ita in rem sanorum, vel in eadem familia, vel in vicinia commorantium, potissimum conducet. Quandoquidem enim pauperiores labore suo quotidiano victum quaeritant, ubi primum inter eos pestis eruperit, aegrae familiae una cum vicinis, si cura publica non relevantur, destitutae, penuria interibunt, ni forte morbi progressus vitae finem properaverit.

QUONIAM compertum fuit pestem inter pauperes semper fere exoriri

riri, hanc ob causam, quum pri-
mum hoc argumentum tractavi, in
praeceptis de aegris removendis ni-
hil discriminis, pro diversis illorum
fortunis, feci: quod tamen utcun-
que nunc, ne cui foret cavillandi
locus, habendum ratus, ostendi
quid agendum sit, si quo casu infor-
lito pestis opulentam familiam ab
initio invaserit: nihilque in ea re
praecepi, cui me lubentissime sub-
mittere noluerim. Multo enim
mallem domo auferri aegrotus, quo
familiae saluti consulerem; quam ut
omnes eodem loco conclusi, mortis
periculo simul exponeremur. Haec
familias aegras tractandi ratio, sicut
omnium est clementissima, quae,
curae alicui de inhibendo morbi pro-
gressu conjunctae, excogitari pos-
sint; sic iis, quibus olim utebamur,
alias ob causas longe praecellit.
Nam per ea, quae monui, praeci-
pitur tantum initio morbi pauca-
rum

rum aliquot familiarum discessus ;
domos autem occludendi institutum
per totum morbi tempus continua-
batur. Pestis ita curata vix ad
decem forsan perveniat familias :
imo exempla adduxi, quibus hac
ratione intra unam restiterit.

QUOD spectat autem ad infectos
locos vallo cingendos, eam rem ita
institui, ut nemini causa sit de tra-
statione duriori conquerendi ; cum
cuilibet ex loco infecto egredi li-
ceat, ea lege, ut in loco quodam
tuto per breve spatum trium circi-
ter hebdomadum quadragesimam
peragat. Nemo igitur in oppido
infecto manere cogetur, quem sua
ipsius conditio illic non retinebit.

HAEC pars praceptorum non tam
generatim, quam reliquae, traditur ;
quia loca quaedam nimis spatiofa
sunt, quam ut illam admittant ; quo
E factum

factum est ut restricte praefiniv-
rim. Sed uti hinc multum in-
commodi ad reliquam pervenit re-
gionem, ita ne minimum quidem
commodi loco incustodito adfertur.
Nam cum omnes, qui ex infecto
loco exeunt, literas quadragesimam
ab ipsis transactam significantes cir-
cumferant, quibus omnis amovea-
tur suspicio; viatoribus iter erit lon-
ge facilius, & minus, quam alias,
periculosum. Quod quia neglectum
fuerat, quando pestis ultima Lon-
dini grassabatur, difficile erat per-
fugium reperire, dum rure passim
ab advenis omnes metuebant; &
diversoria iter ab urbe facientibus
erant intuta, cum certo sciri non
posset, quin ab aliis ex eodem loco
profectis contagione fuissent in-
fecta.

Hoc caeteris partibus regionis
valde officere minime dubitandum
est:

est: negari enim non potest, ad pestem in Gallia reprimendam conatus eorum multum contulisse. Morbus inter illos adeo graviter saeviit, ut nisi rationes idoneae ad vim ejus coercendam adhibitae fuissent, nihil causae restare videtur, quo minus universam regionem jam diu pervasisisset. Nam ultima pestis, qua Anglia laboravit, quamvis longe fuerit moderatior, nec anno diutius Londini manserit, in maximam tamen Angliae partem se diffudit: in Cantium, ad Dubrem usque, penetrans; in Sussexiam, Hantoniam, Durotriges, Essexiam, Northfolciam, agrum Cantabrigiensem, Northantonensem, Warwicensem, Derbyensem; & ne plura loca commorem, ad Novum usque Castrum*.

* *Vide Gazettes ann. 1665, & 1666.*

SICUT igitur per totum hunc tractatum, quemadmodum praecepta nostra cum pestis natura convenient, summa, qualicuit, diligentia expendi; ita aliquantis per hic disquisivi, quo usque illis uti expediat.

NUNC autem cui libet aequo rerum aestimatori liberum judicium relinquo, an haec monita, ex omnibus haetenus inventis, non maxime sint idonea, quae legum auctoritate sanciantur. Sed non nostrum est leges sancire. Et aliquando forsan necessarium sit, ob causas, quas in praesentia non dicam, praejudicatis vulgo opinionibus & clamoribus locum dare, legumque interim, quae fieri possint, optimarum sanctione supersedere; praesertim cum longius absit periculum. Sed si unquam pestis (quam Deus avertat) ad

ad nos transierit, non dubito, quin vox populi & senatus prudentia in illud concurrant, ut viae ineantur his, a nobis traditis, non multum absimiles: saltem ut temporis pristini acta, inhumana prorsus & exitiosa, rescindantur.

AT tempus est de re adeo ingratia finem scribendi facere: quam tractare minime voluisse, nisi officiis, ut potui, patriam demerendi studium, hoc impendentis periculi tempore, me eo impulisset.

QUAE igitur dicenda habui, claudit narratio, legi sane dignissima: quam cum loco suo adhibere non licuit, quia non ante finitum hoc opus ad manus pervenit, hic integrum describam. Continet rationes, quibus potentissimo regi nostro, GEORGIO, uti placuit, cum novem circiter aut decem abhinc annis, Germanicas

nicas ejus ditiones pestis invaserat. Accepi autem a viro eximio, Backmeistero, regi ab epistolis, Hannoverae, cui cura mandata haec publicandi commissa fuit. Ut hanc igitur narrationem mecum communicearet rogavi, cognoscendi avidus, quam prope ad ea, quae praeceperam, rationes istae accederent, quas prospere admodum cessisse inaudivaram. Et summa profecto voluptate percipio, eas praexceptis nostris maxime consentaneas esse, & instantum profuisse, ut non ultra pauca ista oppida & pagos, in scripti sequentis initio memoratos, pestis evagaretur.

Hannoverae, Feb. 10. N.S.

1722.

ANNIS 1712. & 1713. pestis hic
in sequentibus locis saeviebat.

OPPIDIS.

Luneburgi,	Harburgi, bis.
Cellæ,	

PAGIS.

Nienfeldt	Trebel,
Holdenstedt,	Brinckem,
Melle,	Goldenstedt,
Bienenbüttel,	Fallingbostel.
Achem,	

IN ultimo ex his pagis tres ope-
rarii, qui ab Hamburgo aufugerant,
& in granarium noctu se abdide-
rant, mane proximo illic mortui
sunt inventi, & in cadaveribus pesti-
lentes

lentes notae comparuerunt ; sed incenso granario, contagionis progressus impediebatur.

HAUD citius pagus aliquis inficiebatur, quam, vallo circundato, a vicinorum commercio arcebantur incolae. Quibus sic inclusis commatus statim suppeditabatur ; mittebatur etiam medicus, & praesertim chirurgi aliquot ; item sacerdos, qui infectis speciatim operam daret ; nutrix quoque, cum vespillonibus, aliisque ministris necessariis.

PRAECIPUA rei totius administratio in duobus versabatur : quorum alterum fuit, ut aegri a sanis separarentur : alterum, ut domus, quas pestis intraverat, bene per purgarentur.

Si quis in morbum incidisset, imperabatur ei domo abire, & valetudinarium in hos usus exstructum ingredi: illis vero, qui in eadem domo sani videbantur, cum fieri posset, omnes vestes suas noctu exuere, aliasque sibi paratas induere, & deinde, vestimentis, quae exuerant, prius igne consumptis, in domicilio praestituto quadragesimam agere. Vester mutari praecipiebantur, & quae exutae fuerant, comburi, quoties necessarium esse apparebat: ita nimirum hoc fiebat, quum aliqui, postquam convaluiscent, ex valetudinario egressi, ad quadragesimalem stationem transirent; item cum morbo jam penitus extinto, nutrices, vespillones, & chirurgi ad eandem stationem se conferrent.

TENUIA aestate tuguriola extrebatur, quibus plebs, locis infectis abire iussa, recipi posset; quae postea, cum non amplius ex usu essent, comburi solebant.

DOMUS infecta, familia egressa, clavis statim impactis occludebatur; excubiae etiam constituebantur, ne quid clandestino furto subduceretur. Rure si domus esset vilioris pretii, modo sine periculo fieri posset, incendebatur, damno ex publico aere possessori resarcito. In oppidis vero, ubi periculatum fuisset hujusmodi incendium, mercede conducebant, qui domos ingressi, in aram, aut ante fores efferrent, quicquid ad contagionem accipiendo aptum erat, atque id omne ibidem in ignem conjicerent. Ne autem vicinis inde pavor incuteretur,

res

res istiusmodi, in carros cadaveribus evehendis destinatos nonnunquam impositae, extra oppidum incendebantur. Principio quidem mos fuit in terram eas alte defodere; donec saepius compertum fuerat, contagionem inde novas vires acquirere, quod rursus effoderentur. Antequam domestica damna, ex incendiis contracta, rependerentur, haud raro deprehensi fuerunt, qui partem supellectilis occultarent, qua contagio dispergebatur. Ex quo autem iustum pretium publico sumptu accipere coeperunt, nihil celantes, omnia flammis libenter permiserunt.

AESTATE pecora in agris pernoctabant, quae curae incolarum committebantur, quorum aedes pestis non invaserat. Hyeme sani tenebantur, priusquam ex domo

infecta decederent, omnia pecora,
quae ad illam pertinebant, necare,
ac deinde haud procul ab ea, de-
cem pedes alta, humo condere:
hyberno enim tempore pecora in
ædes ad se recipere solent.



PARS



PARS PRIOR.

De Peste generatim.

CAPUT I.

De Pestis Origine & Natura.

CUM nostrum sit consilium
 in hoc tractatu eas rationes
 proponere, quibus potissimum
 impendens nobis a peste periculum
 averti posse videatur ; & in
 hunc finem pestiferae contagionis
 naturam scrutari, quatenus paecep-
 torum,

torum, quae tradentur, ratio id exigit: priusquam aliquid sigillatim praescribam, quae sint causae unde pestis oriatur, & quibus modis contagio illius disseminetur, paucis inquiram.

ANTIQUISSIMIS temporibus pestes, sicut alii complures morbi, ad vindicanda generis humani scelerata divinitus immitti credebantur; hinc nullum aliud remedium, praeter sacra & lustrationes ad iratum numen placandum, quaerebatur *.

QUICQUID autem in opinionis hujus defensionem dici possit, cum sacra historia nos doceat, pestes nonnunquam ad divinam ultionem exequendam missas fuisse; certum

* Celsus, De medic. in praefat. *Morbos tum ad iram deorum immortalium relatos esse, & ab iisdem opem posci solitam.*

est tamen eam, cum fines justos ex-
cesserit, pessimos habuisse effectus.
Terror enim iste & amentia, quae
hominum animos hinc occuparunt,
dirissimis gentium superstitionibus
occasione praebuere, & ad imma-
nem illam humanorum sacrificiorum
crudelitatem generatim impulerunt;
ut ex innumeris fere veterum scrip-
torum locis facile ostendi posset*.

Praete-

* De Gallis testem locupletissimum, Caesa-
rem habemus. *Natio, inquit, est omnis Gallo-
rum admodum dedita religionibus; atque ob eam
causam qui sunt affecti gravioribus morbis, qui que
in praeliis periculisque versantur, aut pro victimis
homines immolant, aut se immolaturos vovent,
administrisque ad ea sacrificia Druidibus utuntur:
quod pro vita hominis nisi vita hominis reddatur,
non posse aliter deorum immortalium numen placari
arbitrantur.* Publiceque ejusdem generis habent
instituta sacrificia. B.G. lib. 6. Massilienses
speciatim ad pestem avertendam hac nefaria
consuetudine usos fuisse ex Petronio Servius nos
docet; in quem finem, ut ait, unus ex paupe-
ribus se offerebat, anno prius publice alendus.
Ad Aen. III. v. 57. De Atheniensibus scholia-

stes

Praeterea in causas naturales inqui-
rendi conamina impediebat, atque
indu-

stes in Aristophanem idem tradit, quod factum dicit tempore λοιμῷ, ἢ τοιχτῷ τινός. In Equit. v. 1133. Et in Plut. v. 454. moris ejusdem mentionem faciens, adhibitum fuisse ait ratione λοιμῷ τινος, ἢ τινος ἐτέρης νόσου. In hoc posteriori loco poeta misellos istos homunciones, qui pecudum ritu ita maectabantur, καθάρματα appellat. Ut obiter igitur illud notem, probabile videtur S. Paulum ad impiam hanc consuetudinem respexisse, i Corinth. iv. 13. qui de se numero plurali loquens, ait: Ως πειναθάρματα τοῦ κόσμου ἐγενήθημεν, πάντων πείνημα τὸν δέρει. Ubi vett. quidam MSS. pro οὐς πειναθάρματα, legunt ὡς πειναθάρματα, vel ὡς περιπέτεραι καθάρματα. Sed haec sententia minime infirmabitur, si vulgaris lectio retineatur, cum septuaginta interpretes vocem πειναθάρματα eodem sensu usurpare videntur, Prov. xxi. 18. ita vertentes: Πειναθάρματα ἃ δικαίας ἀνομοῦ. Praeterea ex voce πείνημα, quam subjicit apostolus, hoc ulterius corroboratur. Nam eadem prorsus significatione explicat Hesychius: Πείνημα, πειναθάρματα, αὐλίνυσσα, αὐλίψυχα. Item Suidas, ad consuetudinem, de qua agimus, respiciens, scribit, cum homo in mare projiceretur, veluti Neptuno sacrificatus, carmen illud adjectum fuisse: Πεινηματικῶν γένες. Justinus, sacrilegio hoc potius, quam facro,

inducebat homines segniter iis malis succumbere, quibus optimus & sapientissimus naturae conditor idonea plerumque providit remedia.

sacro, Carthaginienses usos fuisse narrans, etiam liberos suos immolasse observat, quam diram immanitatem eleganter insectatur. Verba illius sunt: *Cum inter caetera mala etiam peste laborarent, cruenta sacrorum religione, & scelere pro remedio usi sunt. Quippe homines ut victimas immolabant, & impuberes (quae aetas etiam hostium misericordiam provocat) aris admovebant, pacem deorum sanguine eorum exposcentes, pro quorum vita dii rogari maxime solent.* Lib. xviii. c. 6. Atque hinc etiam illud Ennii, ex Annal. I.

Poeni sunt solite iros sacrificare puellos: licet alii aliter hunc versum legunt. Imo in tam dementem temeritatem apud gentes nonnullas haec nefanda superstitione homines praecipitavit, ut etiam reges eorum vitam profundere, quo ab hujusmodi calamitatibus cives liberarent, non recusaverint. Ita Clem. Rom. Πολλοὶ Εαστι λέις καὶ γρύμενοι, λοιμικὴ τινὲς καὶ σύντονὲς καὶ καυξῆς, χρησμοδοτηθέντες, παρέδωκαν ἐαυτὸς εἰς θάνατον, ἵνα ρύσωνται διὰ τῆς ἐαυτῶν αἴματος τὰς πολίτας. Epist. I. ad Corinth. §. 55. Ne plures autem commemoremus, Porphyrius, Lib. 2. de abstin. anim. apud Phoenices hunc morem in usu fuisse scribit.

SEQUENTIBUS igitur seculis, ubi medicinae scientia pars sapientiae haberi coepit, Hippocrates opinioni eorum acriter repugnavit, qui statuerunt, *Peculiares quosdam morbos esse divinos, vel a diis immisos: asserens, Non alium alio magis, sed omnes morbos a diis procedere; quitamen singuli ex causis suis naturalibus ortum haberent: solem, frigus, ac ventos esse divina, quorum commutationes, ac vires in humana corpora diligenter a medico observari oportebat* †.

Hoc generale effatum magnus ille medicinae magister non minus de pestibus, quam de aliis morbis intelligi voluit: quam recte autem

† Lib. de morbo sacro; & Lib. de aere, locis,
& aquis.

ita statuit, aliquatenus apparebit,
cum ad causas morbi hujuscē exqui-
rendas pervenerimus.

PRIUSQUAM autem id facere
incipimus, falsam opinionem a non-
nullis receptam tollere conveniet;
qua pestis in nulla alia re, praeter
majorem ejus vehementiam, a fe-
bre communi differre censetur. Sed
perspicuum est, uti variolae &
morbilli, propter signa quaedam
ipsis peculiaria, species esse morbo-
rum a caeteris omnibus diversae ag-
noscuntur; sic, pari ratione pestem
non minus genere distingui a per-
vulgatis febribus, concedi oportet:
sunt enim certa quaedam
signa pesti tam necessario connexa,
quam variolis, aut morbillis suae e-
ruptiones.

UT variolae virus suum in cutem per pustulas emittunt; ita in peste humor noxious vel in glandulas per tumores, scil. parotidem, bubonem, aliosque; vel in quamlibet corporis partem per carbunculos ejicitur. Atque hae quidem eruptiones adeo certa sunt morbi hujus indicia, ut aliqua ex iis nunquam absit; nisi aut summa malignitate morbi, aut corporis infirmitate aeger succumbit, priusquam ulla eruptio fieri possit; atque ita sanies, quae alioquin in externos tumores ejecta fuisset, occupat viscera, & gangrenas in illis parit.

HOC sane pacto nonnunquam evenit, ut hi tumores in glandulis, carbunculique non compareant: sicut malum genus variolarum, in tenera corporis habitudine, ante eruptionem, per diarrhoeam, haemorrhagiam,

morrhagiam , aut alium hujusmodi praevalidae malignitatis effectum , exitus aliquando fatales habet.

OBSERVATUM est a Gallicis medicis, qui aegros Massilienses in quinque classes, pro diversis morbi gradibus, distribuerunt , glandularum tumores & carbunculos in omnibus erupisse ; iis tantum classis primae exceptis, qui adeo terribili modo corripiebantur, ut paucis horis, aut, ad summum, intra diem, biduumve mortem oppeterent, oppressioni, anxietudini, viriumque defectioni succumbentes, in quae primus morbi impetus eos conjecerat, visceribus statim gangraena corruptis, ut ex corporum dissectione constitit *.

* Observat. & reflex. touchant la nature, &c. de la peste de Marseille , pag. 47. & suiy.

Atque

Atque ex hac observatione, cui conveniunt, quae ab auctoribus aliis in prioribus pestibus fuerunt animadversa, liquet tantum abesse, ut harum eruptionum sola causa sit intensior hujus morbi, quam caeterarum febrium, violentia, ut tum solummodo absint, cum maxime saeviat morbus; alias vero semper illum comitentur, etiam cum adeo leniter accesserit, ut aegro primam contagionis notitiam dederit exoriens hujusmodi tumor; sicut non modo Gallici isti medici, sed alii quoque optimae fidei scriptores affirmarunt. Unde haud dubitanter concludamus, has eruptiones non minus peculiare esse hujus morbi indicium; quam eae sunt variolarum & morbillorum, quibus cognosci ac distingui solent.

ATQUE

ATQUE hinc speciatim apparet
discrimen inter veram pestem & illas
malignitatis inusitatae febres, quae
eam solent praecurrere, caelique
temperiei istius insalubris naturales
sunt effectus, quam omnes pestes
comitari postea probabimus. Ete-
nim cum omnes istae febres, ex qui-
bus homines sine ullis per tumores
in glandulis, aut carbunculos, erup-
tionibus convalescunt, signis care-
ant peculiaribus, quae levissimas
verae pestis accessiones comitantur ;
nulla justa videtur causa, cur mino-
rem eas duntaxat morbi illius gradum
esse certo credamus : quantum autem
apparet, natura differunt ; haud
fere contagiosae sunt, ut pestis ; nec
ita necessario cum ea connectuntur,
quin febres istiusmodi nonnunquam
adveniunt, cum vera pestis illas
non sequitur.

Ex

Ex contrario autem, nollem ita intelligi, ac si febrem quamcunque, in qua eruptiones iis, quae jam dictae sunt, similes conspiciuntur, pestem appellarem. Sicut enim quodvis ulcus, aut pustula in cute prorumpens, variolarum non est indicium, nec omnis inguinum tumor venereus est bubo; ita carbunculi quidam sunt non pestilentes, & aliae febres praeter pestem, quarum crisis per tumores & abscessus, idque aliquando in parotide, aut aliis glandulis, perficitur. Discrimen quidem nonnullum inter pestis, aliarumque febrium, tumores plerumque reperiri solet, temporis praesertim prodeundi ratione; in peste enim citius, quam alias usquam fere, se ostendunt. Et profecto subtilestibusmodi differentiae, quae plerumque minus peritorum observationem effugiunt, haud raro solae sunt rationes,

tiones, quibus morbi, a longe diversis causis exorti, distingui possint. Nam ut primarum causarum natura, unde procreantur, nobis penitus est ignota; ita quando causae istae sint diversae, nulla alia dignoscendi ratio, nisi ex effectuum differentia, nobis relinquitur. Sed cum omnes humani corporis morbi materiae fabricam, iisdem statutis legibus subjectam atque gubernatam, perturbent; haud mirum est effectus, qui a causis diversis profluant, persimiles saepe inveniri. Morbos igitur hic accurate discernere summam medici artem ac peritiam requirit. Ut hoc autem fiat, numerum, gradus, tempus, & ordinem variorum signorum, quae in morbi ejusdem progressu se ostendunt, diligenter observari oportet. Sed morbos distinguendi difficultas tanta nonnunquam iis, qui studiosissime ad haec omnia attenderunt, inventa fuit,

H ut

ut etiam post summam curam fuerint decepti; seu temporis angustiae ad observationes perficiendas, seu inusitatus corporis habitus, seu enormia denique signa, ex minus idonea tractatione oborta, hoc effecerint. Quo autem generatim de morbi natura certi aliquid statuatur, ex iis, quae usitate occurunt, judicium fieri debet. Et pestis profecto haud minus signis, quae vulgo eam comitari solent, distingui ac definiri videtur, quam multi ex morbis istis, quos a diversis causis oriri omnes existimant. Praeterea pestem, tum origo ejus, ex una tantum orbis terrarum parte proveniens, tum etiam teterima contagio nobilitavit. Quae duo illius attributa jam demonstrare suscipiam.

CONTAGIO pestis ab antiquissimis temporibus observata fuit. Thucydides

cydides in pestis Atheniensis de-
scriptione* memorat; & Lucretius,
qui

* Lib. 2. Ὅτι ἔτερος ἀφ' ἔτέρων, Θεραπείας ἀ-
ναπίμπλαμψοι, ὥσπερ τὰ πρόσωπα ἔνησκον· καὶ τὸ
πλεῖστον Φθόρον τῦτο ἐνεποίει· εἴτε γὰρ μὴ θέλοιεν δε-
διότες ἀλλήλους προστέναι, ἀπώλωλο ἔρημοι, καὶ οἱ-
καὶ ποταὶ ἐνενάθησαν ἀποείᾳ τῷ Θεραπεύσαντό.
εἴτε προστίσσοιεν, διεφθείροισο, καὶ μάλιστα οἱ ἀρετῆς τι
μελαποιώμενοι. Etsi loci hujus principium ita in
omnibus Thucydidis editionibus legatur, ut hic
dedimus, vitio tamen laborare certum est; vo-
ces enim Θεραπείας ἀναπίμπλαμψοι absurde
connectuntur. Ex clausula autem Aristotelis,
quam mox proferam, conjectari licet, hoc vi-
tium levi negotio emendari posse, si modo com-
ma, quod vocem ἔτέρων sequitur, ex eo loco
sublatum, vocabulo Θεραπείας substituatur: nam
verbum προστάντιμπλημα apud Aristotelem, sen-
su absoluto, significat inficere. Sin autem
haec vitium tollendi ratio minus sufficere videa-
tur, locutio quaedam Plutarchi in vita Periclis
suppetias feret, ubi eandem hanc pestem, atque
Thucydides, describit. Verba sunt: Ἀλλ' ἐῶν,
ἥσπερ βοσκήματα καθαιργυμένας, ἀναπίμπλασθαι φθο-
ρεῖς ἀπ' ἀλλήλων. Hinc igitur aut Θεραπείας
mutare in φθορεῖς, aut utramque potius vocem
retinere inducamur; cum facile esset scribæ ob-
literarum in altera voce similitudinem φθορεῖς

qui eam descriptionem fere transtu-
lit, haud semel tangit *. Aristo-

omisisse. Si res ita fuerit, tota sententia hoc modo erit legenda : Ὅτι ἐτεροὶ αἱ φόβοι ἐτέρης θεοῖς πείσας, φθοεῖς ἀναπίμπλωνται, &c. Ex alterutra emendatione sensus verborum sic se habebit : *Dum aliis alii ministrabat, contagionem contra- bentes, sicut ovium greges, interibant. Atque haec contagiosa vis morbi tantae stragis causa praecipua fuit : nam aut aegri amicorum, illos adire metuentium, ope destituebantur ; quo factum est ut multae familiae, auxilii expertes, perirent : aut eos, qui opem ferrent, inficiebant ; & illos praesertim, quos generosae virtutis ratio ad officium praestandum maxime incitaret.*

Sensus, qui verbo ἀναπίμπλημι hic tribuitur, ex loco quodam^{*} Livii magis adhuc confirmari potest, ubi contagionem pestis, vel febris catulenensis, quae & Carthaginensium & Romanorum exercitus in Syracusarum obsidione infestavit, verbis ejusmodi describit, quae plane ostendunt eum ad hanc Thucydidis narrationem respexisse. Ait enim : *Aut neglecti desertique, qui incidissent, morerentur ; aut assidentes curanteisque eadem vi morbi repletos secum traberent.*
Lib. 25. c. 26.

* L. 6. §. 1234.

— Nullo cessabant tempore apisci
Ex aliis alios avidi contagia morbi.

Et §. 1241.

Qui fuerant autem praeflo, contagibus ibant.

teles

teles inter problemata * sua ponit:
 Quo modo pestis eos inficiat, qui ad
 aegros accedunt. Et, quod majo-
 ris est momenti, ipse Galenus idem
 plane declarat. † Ita enim scri-
 bit : "Οτι συνδιαλεγειν τοις λοιμώτησιν
 ἐπισφαλές, ἀπολαῦσαι γὰρ κίνδυνος, ὡσ-
 περ ψώρας τινὸς, &c. Quod inter
 peste laborantes versari haud tutum
 sit; quoniam periculum est, ne
 morbus contrahatur, ut in scabie,
 &c. Res sane adeo manifesta est,
 ut de ea omnes mortales una
 mente jam consentiant; si perpau-
 cos tantum excipiamus, qui con-
 trariam opinionem vindicando ab
 aliis se distinguere voluerint. Et
 mirum profecto videtur, rem ita
 perspicuam omnino in dubium vo-

* Sect. I. Διὰ τὶ πότε ὁ λοιμὸς μόνη τῶν νόσων
 μάλιστα τὰς πλησιάζουτας τοῖς θεραπεύομένοις προ-
 σαναπίμπλησται;

† Περὶ διαφορᾶς πυρετῶν, βιβ. α.

cari; quae vel ex eo satis comprobatur, quod huic morbo proprium est, ut quandocunque in domo aliqua unum arripuerit, in maximam familiae partem cito invadat. Quod cum in peste semper evenire notissimum est, nemo, opinor, qui paulo attentius id consideraverit, aut amplius dubitare possit, aut fortius argumentum requirere, quo morbum hunc contagiosum esse convincatur. Hac ratione variolae morbillique vulgo perhibentur contagiosa; quia in quamcunque domum alteruter ex his morbis penetraverit, maximam eorum partem in familia, qui nunquam antea eo essent affecti, corripere observatur; saltem si libere cum aegris versentur. Eodem igitur arguento pestem quoque contagiosam esse concludere oportet. Frustra quis contendat, in peste hoc eo duntaxat fieri, quod sani, aëris vitiati, aut quaecunque sit

fit morbi communis causa, injuriae accipiendae magis, quam alias fere, obnoxii redduntur; dum ex aegrorum, in eadem familia, conspectu territi animum despondeant: nam si ita esset, infantes, qui ob tenebram aetatem nihil hinc periculi sentire possunt, melius quam alii evaderent; cuius contrarium experientia semper verum esse demonstravit.

VERUM est nonnullos, qui assiduam aegris operam dederint, morbum effugisse. Sed hoc nequaquam infirmat, quod hic asseritur: etenim non minus facile intelligitur, quemadmodum homines quidam bonae corporis habitudinis beneficio contagioni obsistere possint; quam ut noxium aërem sine noxa constanter ducant. Quod scribit Diemerbroekius, huic loco convenire videtur: nempe familiae cuiusdam

jusdam partem ad oppidum peste liberum demigrasse; quae, ut ipse observavit, eo morbo paulo post correpta fuit, quam pars altera, in oppido infecto relicta, aegrotaverat: quod sane vix potuit evenire, nisi commercium inter sanos & aegrotos per literas, aut alia quadam ratione, id efficere valuisset*. Eodem spectat, quod Euagrius in peste a se descripta memorat, & quo fatetur se non mediocriter esse perculsum: scil. multos eorum, qui locis infectis se subduxerant, in ipsis, ad quae confugerant, oppidis peste fuisse correptos, dum veteres illorum oppidorum incolae in eam non incidebant†. Sed res adeo manifesta magna exemplorum copia non indiget, quae praesto sunt innumera; & nonnulla, prout occasio se dabit, infra proferentur,

* De pest. c. 4. annot. 6.

† Euagrii Histor. eccles. l. 4. c. 29.

cum de rationibus speciatim dicere veniamus, quibus haec lues circumferuntur. Illud tantum igitur hoc loco adjiciam: quod omnia morbi hujus indicia ex hac sententia facillime explicentur, quae ex quavis alia vix explanari possunt. Hinc scimus, cur pestis, ubi primum locum quempiam invadit, licet aegri sint paucissimi, plerumque tamen violenter in eos saeviat, pessimisque signis aggravetur. Jam si morbum pareret non importata contagio, sed alia quaedam causa in loco infecto orta, ideoque gradatim generata, contrarium necessario eveniret: aegri non modo in initio pauciores forent, sed etiam levius afficerentur, quam postea, cum morbi causis accesserit maxima malignitas. Hinc etiam discimus, qui factum fuit, ut infectae urbis incolae, occludendo se ab omni cum

I illis

illis commercio, a quibus morbum se contracturos suspicabantur, incolumes saepe manserint. Cum pestis, quae Angliam ultima invasit, Cantabrigiam perveniebat, collegia hac prorsus erant intacta. Sic Romae, annis 1656 & 1657, dum pestis grassabatur, monasteria utriusque sexus eodem modo se plerumque tuebantur *: at Neapoli, quam pestis paulo antea tentaverat, coenobia, hoc consilio neglecto, haud pari felicitate evaferunt †. Imo ne ullos quidem ex carceribus Romae contagio intravit ‡; quorum squalor alicquin morbo eos valde reddit obnoxios. At ne sim longus, unum solummodo exemplum amplius adjiciam. Nulla alia, opinor, veri-

* Gastaldi de avertenda & profliganda peste,
p. 117.

† Ibid. p. 118.

‡ Ibid. p. 117.

similis ratio afferri potest, quare pestis postrema Londinen sis, quae sub finem anni 1664 in paroecia S. Aegidii in campis incepit, a natalibus Dominicis ad medium Februarium consopita, rursus in eadem paroecia proruperit; & deinde post aliam ad Aprilem usque intermissionem, in eodem loco se iterum ostenderit *.

PORRO quicunque historias de pestibus omnium aetatum excusserit, si modo paulo accuratius fuerint descriptae, paucissimas inveniet, quae in propriis ipsis signis non convenient, quibus pestis ab aliis febribus distinguatur. Unum alterumve exemplum inveniri posse, quibus contrarium appareat, confiteor; &

* *Vid.* Bills of mortality for the year 1665.

forsan patriae nostrae historia insignissimum praebeat*. Sed exempla hujusmodi sunt adeo perrara, ut nihilominus concludi oportere existimem, pestem plerumque unum esse eundemque morbum.

OSTENDERE proxime conabor, pestem semper eandem habuisse originem, & ab Africa adve&tam fuisse, quae duos etiam alios morbos contagiosos, variolas & morbillos, nobis addixit. In omnibus quidem regionibus epidemici morbi extra modum lethales, in carceribus, obfitionibus, castris, aliisque id genus locis, saepe nascuntur, quos auctores generali nomine pestilentes vocarunt: sed veram pestem, quam peculiaria sua indicia, jam antea descripta, comitantur, & quae ab alia

* The sweating sickness.

in aliam regionem dispergitur, non aliam opinor esse, quam febrim Africam, in Aethiopia, aut Aegypto procreatam, cuius contagio in alias orbis terrarum partes per commercia traducitur.

OBSERVAVIT Plinius, *Pestilentiam a meridianis partibus ad occasum solis* (quo genere loquendi Europam intelligit) *semper ire**. Et qui accuratissime de hoc morbo diversis aetatibus scripsierunt, ubicunque grassata fuit, ab Africa ducunt. Thucydides, in descriptione famosae istius pestis Atheniensis ante laudata †, in Aethiopia superiori ortum habuisse dicit, hinc in Aegyptum venisse, deinde primo in Persiam, postea vero in Graeciam peragrasse.

* Nat. hist. l. 7. c. 50.

† Pag. 51.

PESTIS omnium maxime horren-
da, quas vetus historia memorat,
ea fuit, quae, Justiniano imperante,
A. D. 543 Constantinopoli erupit.
Contagionem per totum terrarum
orbem effudisse dicitur, ac per du-
os & quinquaginta annos perman-
sisse. Historia illius ab Euagrio *
bene narratur, sed magis erudite a
Procopio †; quorum uterque ex Ae-
thiopia aut Aegypto originem traxisse
observat.

CONGRUIT etiam hoc peregrinan-
tium & mercatorum narrationibus,
qui a locis Turcorum imperio sub-
jectis hisce temporibus adveniunt;
quorum omnes plerique nos docent,
crebras pestes, quae regiones istas
populantur, ab ora Africana illuc tra-

* Ecclesiast. histor. l. 4. c. 29.

† De bello Persico, l. 2. c. 22.

duci ; adeo ut Smyrnae, aliisque littoris ejusdem portubus, navem, qua affertur, saepe cognoscant. Et hisce posterioribus seculis, quibus commercium nobis in Turcicis regionibus frequentius fuit, pestes illic in has partes Europae advectas fuisse plane appetet.

PESTEM, quae nunc in Gallia grassatur, ex Turcia venisse manifesto constat, ut postea speciatim ostendam. Item pestis, quae duodecim abhinc annis Dantisci erupit, & inde Hamburgum, Hafniam, aliasque septentrionem versus urbes infestavit, a Constantinopoli, per Poloniam, & locos finitimos, illuc viam sibi aperuit. Novissima etiam pestis, quae hanc urbem invasit, si Hodges nostro fides habeatur *,

* *Vid. Hodges de peste.*

eandem habuit originem ; utpote quae huc devenit ex Hollandia, quo a Turcicis regionibus in goffypio apportata fuerat.

DIRISSIMA mortalium strages, quam per aetates aliquot proxime elapsas senserant, circa medium decimi & quarti seculi incidit, quando pestis intra quinquennium maximam orbis terrarum partem pervafit*. Anno 1346 Aegyptum, Turciam, Graeciam, Syriam, atque Indiam orientalem infestavit: anno 1347 ab orientali parte maris Mediterranei, quam dicimus *Levant*, naviis quibusdam in Siciliam, Pisas, Genuam, & alibi transportata est: anno 1348 Sabaudiam, Provinciam, Delphinatum, Catalonia, & Castiliam, cum aliis locis, intravit: anno

* *Vid. Istorie di Matteo Villani, l. 1. c. 2.*

1349 occupavit Angliam, Scotiam, Hiberniam, & Belgum: sequenti anno Germaniam, Pannoniam, & Daniam. In quoscunque autem locos pervenit, cladem intulit adeo funestam, ut orbem terrae plus dimidia parte incolarum privasse dicatur*. At enim cum Africa hanc pestem ab initio participavit, nullus dubito, quin originem illic habuerit, & non apud Sinas, uti Villani in historia sua illorum temporum tradidit †, nautarum quorundam Genuensium fidem secutus, qui a locis istis redeuntes, ab ingenti pila ignea, quae aut ex terrae erupit penetralibus, aut caelitus decedit, ortam illic ferebant. Narrationi autem tam incredibili minime, ut opinor, confidere oportet,

* Mezeray, Hist. de France, tom. I. p. 798.

† Loco jam citato.

cum nullum aliud pestis, in illis pri-mum regionibus exortae, certum nobis suppetat exemplum.

ILLUD maxime notatu dignum est, singulas Europae regiones hoc malo semper eo magis aut minus fuisse affectas, prout sibi plus mi-nusve commercii fuit in Africa, vel cum iis populis orientalibus, qui mercaturam exercendi causa illuc commeaverant. Cujus rei insigne nobis exemplum praebet Pelopon-nesus, quae iis temporibus, quibus Venetis subjicitur, haud saepius pe-ste infestatur, quam aliae Europae regiones; quoties autem in Turco-rum potestatem devenit, haud diu manet ab ista calamitate immunis. Atque hinc, ut obiter id tangamus, dubium illud quadantenus solvi possit, cur olim magis, quam nunc, po-pulorum borealium numerus incre-verit: aetatibus enim antiquis pesti-bus

bus caruerunt, quibus imminuti sunt,
ex quo cum Africanis commercia
instituerint.

HUIC de mercaturis observationi
congruit, quod in historia sua, loco
jam dicto, notat Procopius, pe-
stem scribens a locis maritimis ad
regiones longius a mari dissitas sem-
per propagari solitam: quod ex
eo tempore experientia semper con-
firmatum fuit.

CUM pestem morbi genus esse
distinctum, & ex Africa solum
provenire, hactenus probatum fuit;
causa illius in ea regione, & nus-
quam alibi, proxime quaerenda est.
Quid igitur sit illi regioni propri-
um, quod morbo huic procreando
aptum esse credatur, considerare
oportet. De statu igitur Aegyp-
tiacae urbis Alcairi, atque Aethio-
piae, quatenus ad rem nostram

K 2 spectare

spectare videtur, paucis tractabo; quae duo sunt magna pestis seminaria: haec enim loca magis ea infestari, quam alias plerasque Africæ partes, tradunt peregrinatores.

ALCAIRUS ingentibus incolarum turbis, qui vitam plerique valde inopem sordidamque agunt, frequentatur. Vici illius angustissimi sunt & coarctati. In arenosa planicie sita est, ad montis radices, quo venti, qui alioquin aërem refrigerarent, arcentur; unde aestus fervidiores fiunt. Magno interluitur alveo, qui, Nilo exundante, aqua impletur; recessu autem fluvii paulatim arefcit. In hunc alveum cives colluviem, morticina, sordesque omnigenas conjiciunt, ex quibus, coenoque simul admixto, foetor exoritur*. Hinc miseros inco-

* *Vid. Le Brun, Voyage au Levant, c. 38.
las*

las pestis quotannis depascitur ; nec prius remittit, quam Nilus congestam hanc colluviei molem superfusus abluerit, & algentes aurae, tunc temporis aspirare solitae, flatibus suis aëra purgaverint.

IN Aethiopia prodigiosa illa locustarum examina, quae, nisi forsan a ventis in aequor converrantur, famem aliquando fruges comedendo pariunt, aliam quoque, pestilentiae nimirum, calamitatem regioni afferrunt, dum mortuae jacentes computrescunt* ; viribus putredini accrescentibus per immodicam caeli intemperiem, quae tanta est in hac regione, ut una anni tempestate tres quatuorve menses perpetuos imbres violenti depluant†. Pecu-

* *Vid. Ludolf. Histor. Aethiop. lib. I. c. 13.*
 & *D. August. De civitat. Dei, lib. 3. c. ult.*
 † *Vid. Ludolf. Histor. Aethiop. lib. I. c. 5.*
 & *Comment.*

liariter igitur de hac terra observatur, quod invadat eam plerumque pestis, quando imbres per fervidos Julii & Augusti menses decidunt *.

JAM si haec, quae de caeli intemperie Alcairi & in Aethiopia diximus, cum Arabum medicorum scriptis †, qui haud procul ab ipsis regionibus habitarunt, conferamus, quibus pestes ab intempestivis humoribus, aestibus, & ventorum absentia afferri declarant; morbi hujusce causam consuetam, opinor, cognoscemus, quatenus ex imperfecta nostra in causis rerum intelligentia percipi possit. Quem sane, ex omnibus his rationibus una collatis, a putredine in terris ipsis adeo constanter generata, cum aeris vitiis jam memoratis adaugetur, ac praesertim ab anima-

* J. Leo, Hist. Afric. lib. 1.

† Rhaf. & Avicen.

libus putrefactis, originem ducere existimo.

ANIMALIUM corpora in materiam morbo huic gignendo aptam converti posse, ex eo perspicuum est; quod humores cujusque, qui eo laborat, in naturam ad alios inficiendos idoneam corrumpuntur. Nec improbabile videtur, volatiles particulas, quibus abundant animalia, in vehementioribus Africæ caloribus, quando aer vitiatur, putrefactas, in ejusdem generis materiam immutari; cum in his frigidioribus terris majorem aliis plerique rebus acrimoniam illas putrescendo capere, & majori cum periculo in propius accedentes agere, nonnunquam percipimus; ut accidit in perniciosis illis & virulentis sucis, qui corruptis cadaveribus aliquando ingenerantur: cuius rei pridem luculentissimum dedi exemplum;

emplum *; & multa alia, si opus foret, praecipue vero in corporibus hydropicis, & cancrorum ulceribus, proferri possent. Praeterea in his borealibus plagis morbos admodum exitiales ex animali putredine aliquando produci invenimus, tametsi ad verae pestis malignitatem non perveniant: etenim ubi magnus hominum numerus artius concluditur, ut in carceribus, obsidionibus, & castris, febres perniciosissimae non raro generantur.

Et haud ab re forsan erit hic observare, veteres Aegyptios tam bene intellexisse, quantum ad pestem procreandum cadaverum putror valeret, ut ibin volucrem coluerint, ob beneficium, quod vim magnam serpentium devorando in ipsos con-

* Mechanical account of poisons, p. 178.
ferebat;

ferebat; quas tam odore mortuas, quam morsu vivas nocere senserunt *.

SED nullum corruptionis genus unquam in his Europaeis regionibus eo usque adaugetur, ut veram pestem producere queat: & Arabes medici nos docuerunt, in calidissimis regionibus aëris vitium necessarium esse, quo aut dictorum corporum putredo adeo subtilis reddatur; aut saltem effluvia eorum, quae, dum putrefescunt, exhalantur, humana corpora laedendi facultatem acquirant. Uterque autem effectus a malignis aëris qualitatibus supra de-

* Cicero, De nat. Deor. lib. I. §. 36. de avibus his loquens, ait: *Avertunt pestem ab Aegypto, cum volucres angues, ex vastitate Libyae vento Africo invectas, interficiunt atque consumunt; ex quo fit ut illae nec morsu vivaee noceant, nec odore mortuae.*

scriptis prorsus expectari potest, quoties diutius permaneant, viresque conjunctas exerant.

QUOD hic de origine pestis differui, mihi adeo consentaneum rationi videtur, ut non possim satis mirari nonnullos, qui, causis adeo manifestis omissis, ad occultas quasdam decurrant qualitates; utpote vim maleficam e caelo dimissam, arsenici, bituminis, aut aliorum fossarium effluvia, cum aliis hujusmodi commentitiis, aut incertis agendi causis.

VERUNTAMEN haec non eo dicuntur, quo omni aëris intempestati, immodico aestu & humore, quos supra memoravimus, magis occultae, partes suas in pestis contagione augenda atque promovenda, cum semel generata est, prorsus abjudicem; rem enim nonnunquam ita se

se habere ut credam, potius adducor: sicut in variolis, alio contagioso morbo, inter nos evenit, qui manifestis illis aëris qualitatibus, jam descriptis, spargitur plerumque & propagatur; quem tamen novimus aliquando in contraria aëris constitutione, nimirum dum hyems arida sit ac gelida, vehementer saevire. Sed morbum generare, & generato vim dare, res sunt prorsus diversae. Et si concedatur quidem aliquam hujusmodi occultam aëris mutationem in prima morbi productione quicquam valere; tamen in justam reprehensionem isti scriptores incurruunt, qui harum occultarum mutationum, quas nullam investigandi rationem habemus, ipsam naturam definire prae se ferant: etenim neque adeo sensiles sunt, ut in nostram disquisitionem directe veniant; neque effectus earum in peste procre-

anda certi aliquid de vera ipsarum natura indicant.

ILLUD tantummodo scimus, id, quo pestis producitur, quodcumque sit, ea natura praeditum esse, ut in corpus admissum, tantas sanguinis & succorum commutationes efficiat, quibus morbus generatur; idque partibus aliquot humorum eas corrodendi qualitates impertiendo, quae, ubicunque cadunt, ad inflammations & gangraenas pariendum valeant. Sed non tam clare percipimus, quibus legibus subtile matierie particulae in se invicem agant, ut vel pro certo statuamus, cujusmodi qualitates ad animales succos in acres istos humores immutandos requirantur; vel ut rationes, quibus singula producuntur signa, quae huic morbo propria sunt, explicemus. Magnus ille philosophus, qui in arcanis naturae explo-

explorandis, summas hominum sagacissimorum expectationes mire exsuperavit, non ulterius investigando processit, quam ut maxime probabile esse deprehendat, hos effectus a subtili & elastico spiritu pendere, qui per orbem universum diffunditur *; parum vero adhuc nos docuit, quo peculiari modo spiritus hic operetur. Dum hoc autem fiet, ad angustos admodum limites restringi necesse est, quae de his naturae operationibus cognoscimus, iis praesertim, quae intra corpora animalia, naturae opera prae caeteris omnibus, quantum nos scimus, subtiliter connexa & complicata, transiguntur. Interim satis est, causas, quibus pestis originem tribuimus, observa-

* Newtoni Optic. qu. 18, 19, 20, 21, 22,
23, 24.

tionibus

tionibus confirmari, & nequaquam esse improbables, ostendisse.



C A P U T II.

De Causis, quae Pestem propagant.

IN pestis originem investigando eo diligentius elaboravi, quo melius diluatur, quicquid objici possit contra ea, quae de causis dicturus sum, quibus inter nos producitur & propagatur. Contagione autem hoc generatim efficitur: cuius qui magnam potestatem nesciunt, hoc est, quam subtilis sit, & quam late morbus per eam disseminetur, non intelligunt, ortum illius maleficae aëris qualitati in omnibus locis, ubicunque accidat, omnino tristbuere

buere solent; alii contra, naturae morbi hujus contagiosae consideratione omnem aëris constitutionis rationem excludi existimarunt: at vero tam contagionem, quae morbum comitatur; quam aeris qualitatem, qua promovetur contagio, aequaliter expendi oportet; utraque enim opus est, ut plenam vim suam morbus accipiat. Quapropter in hoc capite institui aequa lance utramque expendere, & utriusque effectus justis terminis definire.

IN hunc finem causas, quibus pestis propagatur, ad tres revocabo: homines ea correptos, merces ex infectis locis convectas, & corruptam aëris constitutionem.

PLURES sunt morbi, qui ab aegris ad sanos transeunt, sed non omnes eodem modo. Hydrophobia non aliter communicatur, nisi vitiati animalis

animalis aegrotantis succi cum sani sanguine per morsum, vel alia ratione pariter efficaci, recta commisceantur; scabies contactu simplici affricatur; arctiori, lues venerea; morbilli, variolae, ac pestis vel propinquo tantum ad aegros accessu contrahuntur; iis igitur periculum creant, qui in eadem domo manent, & cum aegratis versentur.

IN omnibus postremi generis morbis contagiosis, praecipue pestilentibus, per totum eorum spatium, sed maxime cum decedunt, sanguis magnam actuosarum particularum quantitatem in omnes corporis glandulas perpetuo ejicit; in illas praeferunt oris & cutis, quibus secretiones natura magis copiosae sunt & uberes: quae particulae, in sani hominis corpus receptae, ad eundem morbum cum eo communicandum sunt idoneae. Hoc autem duabus illis

illis rationibus effici videtur: contagiosae istae particulae una cum aëre, quem ducimus, attractae, salivosos succos in transitu aliquando inficiant, qui in stomachum demersi, vim suam maleficam in eo infigunt: plerumque vero sanguinem ab iisdem nocivis particulis, in pulmonibus sibi admistis, laedi existimo. Particulas aliquot aëris in respirando sanguinem recipere, manifestum esse censeo: cui rei fidem facit, quod eadem aëris quantitas diu ad spirandum non sufficiet, quamvis consuetis, quae vulgo ei adscribuntur, inflandi pulmones & sanguinem agitandi qualitatibus minime destituatur. Hoc etiam ab eruditissimo Halleio ulterius confirmatur; qui, ut ex ipso audivi, cum multis orgyiis sub aquas, in machina demissus, urinaret, & aërem naturali longe spissiorem duceret, lentius solito spirare se invenit. Hinc

M verifi-

verisimile videtur, illum praecipuum esse respirationis usum, ut subtilem quaedam particulae ab aëre in sanguinem intromittantur: etenim cum majorem solito aëris quantitatem uno tempore ducendo, plures eorum subtilium particularum simul in sanguinem reciperentur, respiratio minus frequenter repetita sufficiebat.

HAEC una est causarum, quibus pestis, semel generata, spargitur & augetur. Secunda, quam supra memoravimus, merces scil. ex infectis locis convectae, malum hoc multo latius diffundit. Illa ab homine ad hominem, ex domo in domum, vel forsan ex oppido in oppidum luem propaget; haec autem in regiones remotissimas transmittit. Hinc gentes istae Europae, quae mercandi studiosae sunt, maximum sibi periculum impendere sentiunt,

tiunt, cuius evitandi causa quadragesimas generatim instituerunt. Universa autem haec consuetudo gravest argumento contagionem a mercibus propagari: haud enim fas est credere, tot nationes sine maximis rationum momentis in hunc morem consentire potuisse. Praeterea calamitatem hanc a locis infectis ad alios per varia mercium genera transisse, indubitatis constat exemplis. Ut horum aliquot mentionem faciam, necessario postea adducar; in praesentia autem duo tantum profaram. Prius erit pestis, quae anno 1656 Romam invasit; quam certo accepimus illuc a Neapoli vestibus nonnullis ac pannis apportatam fuisse, quae primum Neptunium allata fuerant, inde vero in vicinam S. Laurentii turrim, ubi postquam aliquandiu remanserant, Romam advehabantur *. Alterum exem-

* Gastaldi de pest. p. 116.

plum ex ephemeride pestis Massiliensis † petemus, quae, cum accuratissime scripta sit, fidem majorem meretur. Ex ea certissime constat, morbum illuc mercibus ex orientali parte maris Mediterranei allatum fuisse: qui primus enim ea corripiebatur, unus ex nautis fuit navigii istius, quo merces fuerant advectae; hunc proximi sequebantur, qui mercium istarum curam habuerunt, dum quadagesima peragebatur; & cito post chirurgus, quem corporibus defunctorum examinandis magistratus Massilienses praefecerant. Nemini, opinor, qui haec recte perpenderit, ullus omnino dubitandi locus relinquetur, quin merces secum contagionem afferre possint: tam clara enim sunt rei documenta, quae vel maxime incredulis omnem scrupulum eximant. Fieri potest, ut ante

† Journal de ce qui s'est passé à Marseille, &c.
mercium

mercium adventum genus aliquod febris praeter solitum perniciosae, quam vulgo pestilentem vocamus, Massiliae fuisset: sed nullam istiusmodi febrim, pestis nomen jure sibi vindicare posse, supra ostendi: ex contrario, veram pestem a febribus istis pestilentibus diligenter oportet distingui, ne alioquin de hoc argumento disputantes in errores incidamus.

FEBRIS, inquam, inusitatae malignitatis ante mercium illarum adventum Massiliae fuisset; imo unum forsan aut alterum exemplum febris comparuisset, quae eruptiones emitteret, iis haud admodum dissimiles, quae in peste conspiciuntur; quales & hic Londini aliquando nos observavimus: plane autem incredibile videtur, veram pestem ante id tempus apparuisse. Nam a nautae obitu, quo terror primum incussus attentionem excitavit,

excitavit, sex integrae prius decurserant hebdomades, quam magistribus nunciatum fuit, peste quenquam in urbe interiisse. Et nunquam, opinor, notum fuit, pestem semel eruptam tanti temporis inducias, aestuante caelo, fecisse.

AD majorem argumenti hujus confirmationem non parum conductet, quod de simili mercimoniorum effectu in variolis vir spectatissimae fidei mihi narravit. Is enim morbus, qui, sicut pestis quaedam, ab his terris tam ad orientalem, quam occidentalem Indiam haud raro transmittitur, ab India semel orientali ad Bonae Fidei promontorium sequenti modo afferebatur. Navis abhinc circiter quadriennium illuc ab India orientali appulit: inter navigandum tres pueri variolarum morbo laboraverant, quorum sordida linteā in arcā recondita

dita fuerunt & reserata. Haec, navi in portum delata, educata sunt, & indigenis ut eluerentur tradita; qui, cum ea contrectarent, variolis statim infecti sunt; morbusque per multa milliaria diffusus totius fere regionis incolas absumpfit.

Quo modo contagionis semina merces retineant, res adeo difficilis explicatu visa est, ut auctores * nonnulli luem ab insectis procreari existimaverint; quorum ova ab alio in aliud locum deferantur, & exclusa morbum pariant. Ut haec autem opinio nullis omnino documentis confirmatur, ita, ut arbitror, non necesse est ad eam nosmet recipere. Nam si, ut ipsi conjectavimus, materia contagionis actuosa sit natura, ex animalium praesertim corruptione genita, facile

* Kircherus, Langius, &c.

est

est percipere, quomodo haec in mollibus, porosis corporibus, arcte denseque simul compressis, locari possit & conservari.

OMNES sciunt suffimenta, idoneis involucris obvoluta, odorem suum diutissime servare: &, quod maxime notari debet, illorum fragrantissima, sicut haec, de qua agimus, materia, pleraque sunt succi animales, ut moschus, zibethum, & alia: res etiam quibus optime conservantur, ad contagionem recipiendam & propagandam sunt aptissimae, quales sunt pelles, plumae, serica, pili, lana, gossypium, linum, aliaque; quorum pars maxima ab animalibus quoque proveniunt.

TERTIA causa contagionem spar-gendi, a nobis assignata, erat aëris corrupta constitutio. Cum aér sa-lubris sit, aeger proxime sibi ac-cidentes

dentes potest inficere: sic pestis aliquando in nave inter vectores manere invenitur, postquam ex aëre corrupto, ubi primum conceptus erat morbus, navigarint. Eximum hujus rei exemplum in peste Genuensi, anno 1656, accidisse fertur. Undecim homines contagioni subtrahere se statuentes, naviculam conscenderunt, qua Provinciam peterent; quorum unus, simul ac mari se commisissent, peste correptus, caeteros infecit; quo factum est, ut, cum alii ex aliis aegrotarent & morerentur, accessu ubique prohibiti, eo, unde solverant, redire coacti sint; & quando navicula iterum ad portum Genuensem reversa est, unus tantum ex clade funesta superfuit*.

* Toulon, Traité de la peste.

VERUNTAMEN cum res ita sit, morbus haud longe dilatari solet; quia contagiosae particulae cito dispersae effugiunt. At in corrupto aëris statu, quoties contagiosa effluvia cum subtilibus particulis ex corrupto aëre generatis coëant; his conjuncta non tantum magis actuosa & potentiora, sed etiam durabiliora fiunt; materiamque contagiosam efficiunt, quae malum ab aegro, unde prodiit, multo longius disseminare possit.

CALIDUM aërem ad contagionem propagandam frigido generatim aptiorem esse, nemo dubitare potest, qui, quanto longius in illo, quam in hoc, omnigena effluvia diffunduntur, cogitet. At is aëris status, cum humor intempestivus & ventorum absentia accesserint calori, qui pesti in regionibus quibusdam ortum
2
praebet,

praebet, in omnibus sine dubio illam augebit. Nam Hippocrates eodem modo pestilentem aëris statum in sua patria describit; quo Arabes illam aëris constitutionem, ex qua pestis in Africa nascitur*. Et Mercurialis nos docet, pestem suo tempore Patavii eandem aëris constitutionem habuisse†. Idem quoque a Gassendo observatur in peste Diniensi ‡. Praeterea facile ostendi potest, quemadmodum aër malignis istis qualitatibus, sub sensus cadentibus, imbutus, de quibus in superiori capite tractavimus, contagiosis morbis, corpus iis obnoxium reddendo, faveat.

* Hippocr. Epid. l. 3. Hippocratem aëris constitutionem, quae veram comitatur pestem, hic describere, contra quam nonnulli senserunt, Galenus in commentario suo ad hunc locum testatur, De temp. l. 1. c. 4. & De differentiis febr. l. 1. c. 4.

† Vid. Mercurial. Praelect. de Pestilent.

‡ Notitia eccles. Diniensis.

ALIAE quidem noxiae aëris qualitates majorem, quam calor solus, considerationem postulant: aliquando enim, aestu incremento, decedit pestis, dum aliis rationibus aër temperiem induit meliorem. Smyrnæ pestis, quam naves illuc quotannis advehunt, circiter quartum & vicesimum diem Junii perpetuo cessat; quoniam ea tempestate, noxiis vaporibus, qui vere regioni incommodant, dissipatis, caelum semper aridum est & serenum. Cæterum aëris calor eam vim habet, ut si qua navis mensibus hyemalibus, Novembri, Decembri, Januario, aut Februario morbum afferat, nunquam spargatur; sin autem serius adveniat, Aprili nimirum, aut postea, ad dictum tempus permanet.

AD haec, quod de occultis qui-
busdam aëris vitiis, pestis propaga-
tioni servientibus, antea dictum fuit,
in his similiter terris locum habe-
bit. Hoc ultima Londini pestis
plane demonstrat, cuius semina
primo ingressu, & dum una alte-
rave domo contineretur, per du-
ram & glacialem hyemem conser-
vata, primo veris tempore, vi nova
accepta, perniciosem naturam rur-
sus exferuerunt; sequenti autem hye-
me adeo repressa fuerunt, ut haud
amplius se ostenderint, licet ex pa-
roeciis urbanis plures dimidia parte
mense Decembri fuissent infectae.

VITIATA aëris constitutio sine du-
bio requiritur, ut contagiosae istae
atomi vim suam plene accipient; a-
lioquin certe haud facile intelligi
potest, qui pestis, cum semel locum
aliquem invasit, prius cessaret, quam
omnes

omnes incolas prorsus deleverit.
Haec autem difficultas cito evane-
scet, si modo aërem statuamus;
noxiis qualitatibus sublatis, in sta-
tum salubriorem immutari, quo
malignitas dissipari ac supprimi
possit.

Ex contraria parte non appareat
contagionem vulgo per aërem, quo-
modocunque corruptum, posse ad
longinquum spatum deferri; pestis
vero ab infectis hominibus, & merci-
moniis oppidatim plerumque appor-
tari videtur: nam innumeris exem-
plis liquet, strages maximas in oppidis
quibusdam pestem fecisse; cum alia
vicina oppida, pagique morbo omni-
no caruerunt. Hinc fit, ut pestis ali-
quando a loco in locum temere ad-
modum, ac nullo certo ordine servato,
gradiatur. Thuanus * pestis in Italia

* Histor. lib. 62.

mentio-

mentionem facit, quae anno primo Tridenti & Veronae grassata, proximo Venetias & Patavium invasit, Vicentiam, quae media interjacet, intactam praeteriens, quam tamen anno subsequenti occupavit; certissimo sane argumento pestem a Verona per aërem Patavium & Venetias haudquaquam advolasse; fieri enim tunc non potuerat, quin corruptus aër omnia in transitu infecisset. Ejusdem generis exemplum in Gallia nuper habuimus, cum pestis ex Provincia ad Gabalos, multis leucis distantes, transiliit. Solet quidem pestis, praesertim si violentior furit, ab infectis locis in adjacentes ferri; quod alias quidem, ut probabile videtur, ex commercio aliquo efficitur, quod oppidis infectis cum regione circumjecta, gratia illorum, quae ad usus humanos pertinent, necessario intercedit, veneni subtilitate curam aliquando

quando diligentissimam eludente; alias vero ab iis, qui a locis infectis in viciniam demigrant.

DEMONSTRARI non posse confiteor, in nullo oppido, quo maxima strages a peste edatur, tantum fore numerum aegrotorum, qui aërem contagiosis effluviis, ex sese emissis, adeo ubertim impleant, ut in vicinum oppidum aut pagum a ventis ferantur, nec in transitu ita dissipentur, quin malos producant effectus; praesertim cum haud raro evenit, ut aér noxiis hisce atomis tantopere oneretur, ut nullum oppidi locum tutum relinquat; quo fit, ut cum morbus ad summum pervenerit, omnes promiscue inficiantur, tam qui ab aegris longius remoti sint, quam qui prope ad eos accedant; licet in pestis initio ab omni aegrorum consuetudine abstinere, optimum sit praesidium.

Hoc

Hoc autem non saepe evenire existimo: perinde ut fumus, quo semper aër Londinensis, hyeme vero maxime, saturatur, non multa millaria avehitur; licet quantitas illius longe major sit ea contagiosorum effluviorum, quae pestis exitiosissima generare possit.

SED ut ea, quae ad aërem spectant, concludamus, cum malae ejus qualitates, in borealibus his regionibus, sine contagio importato, pestilentiam facere per se nequeant; hinc vulgaris ista opinio, a magni nominis scriptoribus * non improbata, falsa esse appareat, qua pestis semel triginta aut quadraginta annis necessario ad nos semper recurrere dicitur; quod cum purum putum sit figmentum, nulla ratione aut experientia nixum, a vanis hu-

* Sydenham De peste.

O jusmodi

iusmodi timoribus mentes hominum liberari debent. Cum pestis enim nunquam apud nos primum generetur, sed ab exteris regionibus casu quodam fortuito afferatur, adventus ejus a nulla certa temporis periodo pendere potest. Et quamvis tres aut quatuor ultimae pestes intra centum annos nobis evenerint, id tamen temporis spatium haud satis longum est, ut generalis regula ex eo constituantur: immo per quinquaginta sex annos, proxime elapsos, nullam hoc genus calamitatem accidisse cernimus.

TANTUM abest, ut aér nostrae regionis verae pestis unquam sit origo, ut vero simillimum videatur, mitiores eos morbos contagiosos, variolas & morbillos, nunquam ab illo primum produci. Nam ut hi morbi in Europa inauditi erant, priusquam Mauri Hispaniam invaserunt; ita certe ab illis advecti, ex eo tempore

tempore contagionis ope locum tenuerunt, seminibus morborum contagiosis vim suam maleficam diverso gradu expromentibus, prout aër ad ea adjuvanda magis minusve fuerit idoneus; qui tamen nunquam illis adeo fit adversus, ut tam diuturno tempore ab agendo penitus cohibeat, quo prorsus disperdantur.

PROINDE non tantum nulla necessitate hisce periodicis pestis reditionibus obnoxii sumus, sed ex contrario, licet accessiones aliquot ejusmodi experti sumus; exempla tamen non defunt malarum contagionum, quae ab externis regionibus ad nos allatae, minus hic noxiae fuerunt, cum aër noster borealis impressiones illas non pariter admitteret.

MORBUM, quem vulgari apud nos appellatione, *the sweating sickness,*

supra memoravimus*, qui tamen *sudor Anglicus*, & *febris ephemera Britannica* dictus fuit, quia hic natus fuisse credebatur, peregrinam habuisse originem verisimillimum videtur: qui, etsi pestis quidem communis non esset, cum glandularum tumoribus & carbunculis; vera tamen erat pestilentia, ex eadem causa proveniens, specie tantum mutata, ac vi imminuta ex salutari caeli nostri temperie. In multis enim indiciis cum peste vulgata conveniebat, cuiusmodi sunt languor gravissimus, inquietudo, internus ardor, & alia; quae nusquam alias, praeterquam in vera peste, adeo vehementia esse observata sunt, ut hic fuisse describuntur. Et quod his etiam majus est, morbus erat contagiosus.

ANNO 1485 primum inter nos

* Pag. 60.

fentie-

sentiebatur, in exercitu exortus, quo-
cum Henricus VII a Gallia rediens
Cambriam appulit §. A Rhodo au-
tem triennio ante, vel quadriennio,
cum Turci eam celeberrima ista ob-
sidiōne premebant, devenisse non-
nulli crediderunt, ut ex loco quo-
dam Caii tractatus jam citati col-
ligi potest *. His accedit, quod
cum ex eo tempore saepius redie-
rit, annis nimirum 1506, 1517,
1528, & 1551, ex peste vulgari
anno 1528, quae tunc temporis in
Italia † grassata est, ortum habu-
isse, merito suspicari licet; quod
nobilem gentis nostrae historicum
olim conjectasse invenio ‡ . Et
caeteras quidem reveriones a lue

§ *Vid.* Caium De febr. ephemeri. Britann.
¶ Verulamii Histor. Henrici VII.

* Pag. 162. edit. Lovan.

† *Vid.* Rondinelli Contagio in Firenze, ¶
Summonte Histor. di Napoli.

‡ Lord Herbert's History of Henry VIII.

quadam

quadam Turcica derivatas fuisse credibile videtur : ni forsan earum nonnullae reliquiis morbi adhuc remanentibus originem deberent, opportuna aëris constitutione reversa, quae latentia semina excitaret, antequam prorsus deperdita essent. Vero similius videtur hunc morbum ex contagione importata profectum fuisse, quoniam certo scimus hanc speciem ejus non fuisse nostrae insulae peculiarem ; sed, iisdem signis eam comitantibus, magnas Germaniae aliisque regionibus clades attulisse *.

MORBUM hunc pestem vi immunita appello, quia licet millia aliquot hominum, haud recte tractatorum, abstulerit ; quod magnum profecto est maleficae naturae documentum, quae vel pestem ip-

* Thuani Histor. lib. 5.

sam vulgarem in eo excessit, quod pauci ab hoc morbo absumpti ultra unius diei naturalis spatium, a prima morbi accessione, vitam produxerint; recessus tamen illius hoc spatio per sudores profusos, si modo debita cura promoverentur, *Improviso potius naturae assultasse, quam obstinate remediis restitisse*, ut doctus & sapiens ait historicus, ostendit: nam, ut idem vir illustriss. scribit, *Si aeger cardiacis potionibus temperatis foveretur, plerumque convalescebat**. Et, quod magis notabile existimo, sudor, naturalis hujus morbi crisis, efficacissimum vulgatae pestis remedium a medico praestantissimo inventus fuit: quo, si in tempore adhibetur, morbus aliquando sine ullis externis tumoribus depelli potest. Praeterea vir ille observandi peritissimus nos docet,

* Verulamii Hist. Henrici VII.

multis aegris, quos ipse curabat,
postquam vim morbi sudore hujus-
modi arte elicito fregisset, alterum
non medicamentis excitum, sed na-
turalem erupisse, quo mire reficie-
bantur *.

Ut ea autem, quae diximus,
magis adhuc confirmantur, nequeo
hic praeterire febrēm quandam si-
milis naturae; quae a Dunquerca,
unde milites nostri eam secum tran-
stulerunt, nomen fortita, appellata
est *the Dunkirk fever*, & mense
circiter Septembri, anno 1713 nos
infestavit. Haec forsan a peste
originem duxit, quae ante paucos
annos Dantisci erumpens in oppi-
dis borealibus aliquandiu manserat.
Inter nos quidem ea febris dolore
capitis incipiens, profusis sudoribus

* *Vid. Sydenham De peste, ann. 1665.*

plerumque

plerumque decessit, aegris haud amplius uno die in lecto defixis; Dunquercae vero vomitus, diarrhoea, aliaque signa illam comitata sunt.

SED ut illuc, unde digressus sum, revertar, ex ante dictis, opinor, manifesto constat, pestem verum esse venenum, quod in australibus mundi partibus genitum, illic se sustentat, circuitu quodam ab infectis hominibus in merces commigrando; quod incolarum negligentiae in iis regionibus praecipue debetur, qui stupide admodum rei istius curam omittunt: item morbum, quoties aëris constitutio ipsi faveat, magna illic violentia saevire, quo tempore praesertim aegri cum aliis eum communicant: contagiosam quoque materiam latere, in laxae mollisque texturae mercibus reconditam, quae densius confertae,

fertae, & in alias regiones comportatae, semina contagionis in se conclusa, cum aperiuntur, emitunt, & morbum producunt, quando aër ad vires iis sufficiendas sit idoneus; alioquin vero fieri potest, ut dissipata haud multum damni inferant: aërem denique ad longinquum spatium diffundere ac spar gere haec non solere, si omnis accessus ad locum infectum, & cum eo commercium diligenter prohibatur.



PARS



PARS POSTERIOR.

De rationibus contra Pestem ineundis.

CAPUT I.

*De Contagionis ab aliis re-
gionibus advectu prohibi-
bendo.*

SIC U T magnum est solatium,
pestem non esse nobis con-
terraneam, intelligere; ita
summae incitamentum est diligen-
tiae

tiae in rationibus excogitandis, quibus ab ea nos tueamur.

DUO autem hic requiruntur: Ut rationes idoneae capiantur, ne in nostram insulam morbus advehatur; & si calamitas ejusmodi forte accidat, ut cura adhibeatur, ne latius se diffundat.

HORUM priori provisum est instituta consuetudine, qua naves, ab infectis locis advenientes, quadragesimam peragere coguntur. De qua ut illa, quae sequuntur praecpta, observentur, necessarium esse videtur.

PROPE portus nostros locis convenientibus, parvis insulis, si fieri possit, extruantur valetudinaria; quibus tam homines, quam merces, a locis contagione suspectis advenientes, recipiantur. Neque enim satis

satis est homines in navi dies quadraginta conclusos detinuisse; cuius rei ea sola est utilitas, ut, si qui ex iis mortem obeant, observetur. Lues enim in vestibus, quibus semel insedit, potest tam diu servari, ut non minus illius, imo plus, post exactos, quam ante incepitos dies quadraginta, si morbus in navi saevire pergit, ad litus adferatur; nisi quoties quis moritur, recens ineatur quadragesima; cui forte nil, praeterquam omnium in navi hominum interitus, finem imponat.

Si quis morbus contagiosus navem invaserit, sani homines, relicitis vestibus, quas comburi oportet, loti, rasi, & alia vestimenta induiti, in valetudinario triginta vel quadraginta dies commorentur. Hoc autem ideo fieri convenit, quia homines, licet ipsi ex aegritudine convaluerint, contagionis tamen materiem

materiem diu secum retinere possint : sicut variolas ex illis saepe contrahi videmus, qui multos jam dies ab eo morbo fuerint recreati.

AEGRI, si qui sint, a sanis seorsim in aedibus remotis secludantur ; & aliquanto post sanitatem recuperatam laventur, tondeantur, & alias vestes induant, iis concrematis, quas aegrotantes gesserant ; & deinde in sanorum aedes transducti, triginta vel quadraginta dies illic maneant.

DE vestibus aegrorum consu-
mendis impense sum solicitus, quia
subtilissimum contagionis virus re-
tinent. Scriptor ingeniosissimus *,
in eleganti sua pestis descriptione,
quae anno 1348 Florentiae saeviit,
narrat se duos porcos vidisse, qui,

* Boccaccio Decameron. giornat. prim.
cum

cum pauperis cuiusdam morbo illo
 sublati pannos, in vicum projectos,
 rostris follicantibus excussissent, den-
 tibusque laniassent, convulsionibus
 correpti hora minus expirarunt. Tra-
 dit etiam doctissimus Fracastorius,
 suo tempore, cum pestis Veronae
 grassabatur, non pauciores viginti
 quinque hominibus, pellitae unius
 vestis contagione, alios ex aliis,
 periisse*. Forestus quoque simile
 exemplum memorat de septem
 pueris, qui super pannis, ab in-
 fecta apud Zelandos domo Alc-
 mariam, Bataviae borealis oppidum,
 allatis, colludendo decefferunt †.
 Item demortuus nuper vir reveren-
 dus, cui nomen fuit *Williams*, illu-
 strissimo Baroni *Paget*, dum legatio-
 nem Constantinopoli obiret, a sacris,
 haud dissimile quiddam narrare so-

* De contagion. l. 3. c. 7.

† Observat. l. 6, Schol. ad observ. 22.

lebat,

lebat, quod a Turcico satrapa, quem *Bassa* appellant, acceperat. In expeditione, quam satrapas iste in fines Poloniae fecerat, quidam ex Janizariis, qui sub illius erant imperio, peste moriebatur; cuius sagum pretiosum aliis Janizariorum sibi comparatum haud citius induerat, quam morbo statim correptus extinguebatur; eodemque postea fato quinque alii Janizarii, qui idem gesserant, fungebantur. Hoc satrapas viro reverendo jam dicto ideo praecipue nunciavit, quod ea ratione permotus sagum illud comburi jussicerat. Voluit enim hoc exemplo ei demonstrare, inter Turcos esse, qui majori cogitandi libertate utebantur, quam ut cum vulgo Mahomedanae de fato doctrinae fidem suam adstringerent.

Si navem nullus invaserit morbus, non est, ut opinor, cur homines

mines quadragesimam peragant ;
laventur tamen, ac vestes eorum,
sicut merces, aëri perviae in va-
letudinario per hebdomada expur-
gentur.

SED maximum est periculum ab
iis mercibus, quae ad luem retinen-
dam sunt aptae ; quales sunt goffy-
pium, cannabis & linum, charta
aut libri, serica omnia, lintealana,
plumae, pili, & cuncta pellium
genera. Hisce repositorium ab ho-
minum valetudinario procul assig-
netur, ubi locis convenientibus re-
solutae atque explicatae sarcinae
aëri per quadraginta dies, quantum
licet, exponantur.

NIMIS forsan diuturnum tempus
hoc videbitur ; sed cum haud certo
sciamus, quantum temporis opus sit
ad contagiosam materiem ex spon-
giosarum rerum foraminibus expur-

Q gandam,

gandam, nulla hac in re cautio nimia esse potest. De tempore sane hic præscripto, quod consuetudine jam diu ab omnibus recepta stabilitur, ne minimum quidem detrahi oportet; ni explorandi ratio excogitari possit, quando noxia effluvia haud amplius ex corporibus emittantur. Possit fortassis reperiri, si tenera animalcula, aviculae nominatim, prope ea admoveantur. Observatum enim fuit aves a locis peste infectis avolasse, & plerasque earum, quae in caveis concludebantur, obiisse *. Jam si percipiatur aviculas, volitandi potestate sub ipsum quadragesimae initium inter merces permissa, contagioni esse obnoxias; poterit quadantenus cognosci, quando merces fuerint perpurgatae, experimentum repeten-

* Diemerbroekius De peste, l. 1. c. 4.

do, donec aviculae inter illas emissae nihil damni exinde contrahant. Quaenam autem rei hujusce sit utilitas, sola experientia docebit: non enim ignoro omnia animantium genera ab omnibus pestilentiis haud pariter affici; contra, suam plurimis peculiarem esse; morbus cujusmodi paucis abhinc annis boves invasit, quo neque alia bruta animalia, neque homines vel minimum laedebantur.

QUICQUID autem sit, quadragesimarum usus ex eo non penitus tolletur, quod temporis spatium ad purgationem illam necessarium haud certe sciamus: cum id saltem, utrum merces inficiantur necne, quadagesimae experimento licet cognosci; si enim inficiantur, vix fieri potest, ut omnes, quorum est officium eas curare, incolumes evadant.

Q 2 Quod

Quod quoties accidit, merces consumi oportet.

MERCES, cum in repositorio collocantur, explicandas esse censeo; alioquin nihil valet illic reponi. Mos iste in omnibus Italiae portubus perpetuo observatur. In Ligurno portu rem ita se habere, testatur nuper in lucem edita quadragesimas ibi peragendi ratio. Idem quoque Venetiis observatum invenio, ex authentica scriptura, quae nunc prae manibus est, de rationibus in ea civitate adhibitis, ubi quadragesimae jam inde ab anno 1484 fuerunt imperatae, quo tempore primum in Europa, quantum mihi apparet, instituebantur. Venetiis omnes gossypii, camelinorum, fibrinorumve pilorum, aliarumque id genus mercium fasces, ab uno extremo ad alterum dissuuntur, & quotidie perforantur a bajulis, qui nuda

nuda in illas brachia inserunt, ut
aëri liber aditus ad omnes partes
mercium pateat. Rationes quaf-
dam hujusmodi necessarias esse, ex
infortunio, quod circiter viginti
quinque abhinc annos in insula Ber-
muda accidit, satis manifesto pro-
batur; ubi, ut a cl. Halleio accepi,
gossypii saccus in litus occulte in-
vectus, plus mense in domo qua-
dam, sine ullo cujusvis e familia
damno, absconditus jacuit; quum
vero inter incolas distribui coepit,
tanta contagione illos affecit, ut
vivi mortuis humandis vix suffice-
rent. Halleio rem narravit dux
bellicae navis, Tuckerus nomine,
Bermudensis, cuius frater, ejusdem
nominis, regii scribae vicem hic nu-
per praestitit.

SANE, quum crebro expertum fu-
erit, ex cunctis mercibus, quae con-
tagionem retinent, gossypium esse
maxime

maxime periculofsum, ac Turciae regiones perpetuum fere sint pestilentialiae seminarium; non possum non aequissimum putare, ut, quicquid illinc gossypii allatum fuerit, per quadragesimale temporis spatium reservetur expurgandum; ne forsitan contagione fuisset imbutum, cum in saccos conferciretur, etsi nihil mali ex ea nautae acceperint. Neque tempus interjectum, ex quo conferciebatur, usque dum huc advenierit, satis est, ut contagionem prorsus amisisse pro certo credatur. Illud saltem temporis spatium, quo naves ex iis partibus Massiliam cursum peragunt, huic rei non sufficere, non tantum recens exemplum nos docet; sed etiam observatio in commentario quodam, quod a legato commercia Massiliae procurante confectum, legere mihi contigit. Massiliensis portus in Gallia solus est, cui merces ex orientali parte

parte maris Mediterranei convectas accipere permittitur, utpote qui ob multas parvas insulas, prope adjacentes, ad quadragesimas agendas maxime est idoneus. Idem quoque jus portibus Galliae in oceano occidentali sitis legati sui anno 1701 petentes, libello exhibito, complures causas cur iis concederetur, apud regium commercii concilium exposuerunt. His legatus Massiliensis in commentario jam dicto respondens, portum Massiliensem prae caeteris omnibus esse quadragesimis opportunum urget; & quo rei momentum evincat, disertis verbis asserit, *Saepe in eo loco inventos fuisse, qui, dum merces in quadragesimali statione retentas curarent, peste correpti obierunt.* Jam si compertum sit mercibus, dum ex oris Turcicis Massiliam adferebantur, contagionem adhaesisse; quo tempore ad nos perveniant, ab omni conta-

contagione necessario immunes esse,
 quod longior paulo est navigatio, ni-
 mis audax & temerarium videtur in re
 tanta concludere. Sed praeter haec,
 non exempla defunt mercium, quae
 per multos annos luem retinuerunt.
 Tradit enim Alexander Benedictus
 plumeam culcitam, quae ob conta-
 gionis suspicionem per septennium
 fuerat seposita, perniciosos effectus
 post tantum intervallum intulisse *.
 Item narrat Theodorus Mayernus
 eques, lintea quaedam cruore &
 fanie ulcerum, quae pestis effecerat,
 coinquinata, ac inter stoream &
 parietem domus Parisiis abdita, o-
 perarium, qui ea extraxit, multis
 post annis peste infecisse, quae per
 totam urbem se statim diffudit †.

* De pest. cap. 3.

† A Paper of advice against the plague, laid
 before the king and council by Sir Theod.
 Mayerne, in the year 1631. MS.

MAXIMUM est a gossypio periculum, eo quod quaecunque effluvia prope accedunt, facilime imbibat ac retineat. Cujus rei circiter sex abhinc menses clarum cepi experimentum, gossypium carni putrescenti ita admovendo, ut ne eam contingenter; quod tanto putredinis foetore imbutum fuit, ut pyxide arcte obturata conclusum tam diuturno tempore teturum odorem servaverit.

SICUT omnes tam sani quam aegri, quadragesimam agentes, diligenter curandi sunt; ita observantiam illius gravissimis poenis sanciri oportet. Si navis itaque a loco adveniat, quo, cum e portu solveret, pestis solito violentior saeviebat, ipsam una cum toto onere comburi tutissimum erit.

AD haec notandum est, mercaturam cum iis cito nimis exerceri, inter quos contagio appetente hyeme desaevierit, fore perculosum; quia nonnunquam ita accidit, ut hyemis rigore morbus supprimatur, nec tamen semina ejus prorsus depereant, sed obtorpeant tantisper, dum tepidi veris accessu excitata vitam novam viresque receperint. Sic cum pestis funesta, ante annos amplius sexaginta, per binas aestates Genuae grassaretur, priori circiter decem millia hominum perierunt, hyeme proxima vix ullus, sequenti vero aestate mortuorum numerus ad sexaginta millia excrevit. Novissima quoque Londini pestilentia, sub finem anni 1664 coorta, per trimestre fere gelu hyberno tempore intermittebatur, ita ut nullum ejus indicium ante ver sequens appareret.

pareret *. Si merces itaque ex loco ejusmodi exportatae, occultae a liquid contagionis retineant, timendum erit, ne idem in loco, quo convehuntur, pariant malum, quod in illo, a quo devehuntur, peperissent.

AT in primis necessarium est, furtivam bonorum invectionem legibus acerrimis coërcere: a qua nefaria confuetudine magis, quam ab alia quacunque causa, morbum ex Gallia ad nos traducendi periculum impendere videtur,

HAEC, ut opinor, praecipua sunt rerum capita, quibus adversus contagionem ab aliis regionibus provenientem nos tueamur. Rationes autem, quibus haec recte peragan-
tur, quales sunt navium visitatio, valetudinariorum disciplina, aliae-

* Hodges De peste.

que, administris ejus negotii, haud
sine peritorum medicorum auxilio,
ut res postulet, curandas relinquo.



C A P U T II.

*De Pestis propagatione, si
terram nostram invadat,
cohibenda.*

PRIMUM est considerare, quid
agendum sit, si, cura publica
per administratorum negligentiam,
aliamve causam, minus succedente,
invadat nos pestis.

NULLUM aliud est malum, cui
magnum illud praeceptum magis
conveniat, quo *principiis obstatre*
monemur: pessimo tamen fato ac-
cidit, ut rationes olim adhibitae
omnino

omnino obſtiterint, quo minus hoc effatum obſervari poſſet.

CUM in aliquo ſingulari loco pefis ſemper erumpat, quae magiſtratus praefcribit, ejusmodi eſſe oportet, ut non minus in commodum familiarum cedat calamitatem ſuam indicare; quam ſi, ardentibus tectis, uti opem ferant, vicinis inclament: contra vero, omnes rationes, quas hactenus perfequi ſolenne fuit, ſeverae potius disciplinae, atque adeo ſupplicii, quam curae ac clementiae ſpeciem habuerunt; quae cauſa fuit, cur aegri morbum, quoad potuerunt, ſtudioſe celaverint.

SUMMA eorum, quae illis temporebus edicebantur, huc rediit*: Si

* Vid. Directions for the cure of the plague, by the college of physicians: & Orders by the lord mayor and aldermen of London: publish'd 1665.

domum

domum aliquam pestis occupasset, ut protinus occlusa servaretur, janua ingenti rubra cruce, tristique illo carmine, MISERERE NOSTRI, DOMINE, inscripta; custodibusque die ac nocte ante fores excubantibus, ne cui exeundi aut ingrediendi opportunitas daretur, praeter medicos illos, chirurgos, pharmacopolas, nutrices, exploratrices, aliosque, quibus ea libertas auctoritate publica concedebatur; atque ut haec ad mensem saltem, postquam tota familia interiisset, aut convalueriset, continuarentur.

TRISTIOREM hac scenam miseriae haud facile quis animo concipiat: familias morbo, quo nullus solatium magis & opem postulat, conflictantes occlusas, omniisque necessariorum conspectu privatas; inhumanarum forsitan nutricum, quales iis temporibus saepe inter aegros versantur, curae relietas;

lietas; nihil praeter moestissimum inter se ipsas mortis progressum intuentes, exigua tantum spe vitae cuiquam relicta; animisque interim anxiis ac dubiis, annon praestaret emori, quam languens aevum trahere, lacrymosis optimorum amicorum, cognatorumque proxime sibi conjunctorum funeribus superstites.

Si metus, desperatio, omnisque languor animi corpus accipiendae contagioni obnoxium reddant, viresque illius acceptae roborent, quae omnium medicorum est sententia; nihil video, quo magis ingravescat morbus, quam hac tractandi ratione.

NIHIL tantae crudelitati praetendi potest, nisi quod per eam in commune consulatur, & a progressu arceatur lues. At si res bene pendatur,

pendatur, aliter prorsus se habere apparebit. Dum contagio enim in domo conclusa nutricatur, & quotidianis accessionibus perpetuo augescit, fieri non potest, quin aër tantopere inficiatur, ut, cum primum datur exitus, luem per totam spargat viciniam. Aedes ita occluse tot sunt seminaria contagionis citius aut serius diffundendae. Menstrua enim, vel longior mora ab aegri, qui ultimus occubuit, interitu nihil magis efficiet; quam si mercium infectarum sarcina non laxata servetur: quandounque Pandorae pyxis recluditur, evolabit venenum.

SICUT verae contagionis naturae ignorantia istis rationibus causam praebuit; ita persuasissimum habeo, quotiescumque in hac urbe fuerint adhibitae, ad diuturnam pestis continuationem eas plurimum contulisse:

lis: nec dubitandum est, quin effectus aequa perniciosos in aliis regionibus habuerint.

HAUD miremur igitur graves nonnunquam querelas contra ini quam hanc consuetudinem factas fuisse; quae quoties aegris relaxationem aliquam impetrarent, statim subsequebatur morbi notabilis remissio. Pestis anno 1636 magna violentia incepit; facta autem incolis per regiam auctoritatem aedibus egrediendi copia, ne unum quidem ex viginti, qui sani egressi sunt, in morbum incidisse, neque ex decem aegris unum periisse, observatum fuit *. Quod unum documentum, si alia defuissent, tantum ponderis apud magistratus habere debuerat, ut ab arctiori hominum custodia in posterum semper eos de-

* Discourse upon the air, by Tho. Cock,

S terruisset.

terruisset. Sed praeterea pestis praecedens, anno 1625, alterum insigne decrescentis morbi exemplum, postquam aedes occludi desissent, nobis exhibit. Tanta autem pars anni prius, quam id factum fuit, praeterierat, ut proximae hyemis accessus inter morbi diminuti causas sine dubio numerari debat; tam magna tamen fuit diminutio, ut constet saltem libertatem tunc datam ei nihil impedimenti attulisse. Nam ineunte Septembri libertas haec domos aperiendi fuit permissa; & quum ultima Augusti hebdomade non pauciores quatuor milibus ducentis decem & octo periissent, proxime sequenti funerum numerus ad tria millia trecenta & quadraginta quatuor, & haud amplius quarta deinceps hebdomade ad octingenta quinquaginta duo recidit*.

* *Vid.* The shutting up of houses soberly debated, anno 1665.

QUONIAM igitur ratio ista olim usurpata neque ad ortum contagionis explorandum, neque ad vim illius jam exploratae cohibendam sufficiat; alias sane de novo institui oportet: quae mea quidem sententia tales esse debent, quales eae sunt, quae sequuntur.

IN primis concilium salutis indicatur, quod ex primariis quibusdam regni ministris, tam ecclesiasticis quam civilibus, praecipuis aliquot urbis magistratibus, duobus tribusve medicis, aliisque consistat. Hisce potestas detur providendi, ut omnibus ipsorum jussis sine ullo partium studio pareatur; & ne quaminime necessaria severitas quacunque specie ab iis, quorum opera utuntur, in quenquam exerceatur.

OFFICIUM inquirendi per paroecias quo morbo singuli obierint, quod plerumque ad anus ignaras defertur, viris prudentibus & industriis committatur; quorum sit, cum primum aliquos insolenti mortis genere ereptos cum maculis in corpore lividis, bubonibus, aut carbunculis deprehenderint, concilio salutis nunciare; a quo periti illico medici ad suspecta cadavera diligenter inspicienda, vicinasque domos, praesertim pauperiorum, apud quos malum hoc semper fere exoritur, explorandas mittantur; & si pestilentiam erupisse renunciaverint, omnibus statim, quae morbo tentantur, familiis migratio imperetur; aegri ad diversas a sanis traducantur aedes, utrique vero tribus vel quatuor extra urbem milliaribus; sanique omnibus suis vestibus exuti laventur, & radantur, priusquam ipsis novas

novas habitationes ingredi liceat. Has autem migrationes expedit noctu fieri, cum vici minus frequententur, quo nullum adeatur contagionis spargendae periculum. Curandum est etiam maxima diligentia, ut commodissimae aegros devehendi rationes comparentur, ne quam inter migrandum injuriam accipient.

Ut pauperes ac tenuioris fortis homines his modis tractari necesse est; sic opulentiores, quibus illa datur facultas, loco valetudinario-rum ad villas suas se recipere cogantur; ea tamen lege, ut cura semper adhibeatur sanos ab infectis seorsim servari. Eodemque tempore omnes incolas, quos morbus nondum corripuit, non sinere tanc-tum, sed hortari etiam oportet, ut urbe cedant; quae eo futura est salubrior, quo tunc sit desertior.

NULLA

NULLA cura & commiseratio in aegros desit; ad quos in aedibus puris, & sereniori caelo expositis, jam collocatos, accessus, justa cautione adhibita, ministrantibus non admodum erit periculosus. Sunt omnes publicum suppeditet aerarium; nec quantavis impensa nimia censeri debet, qua natio a funestissima calamitate servetur. Et mihi profecto aequum videtur, ut is praemium ferat, qui contagionem in loco aliquo erumpentem primus indicaverit; cum ad malum superrandum primus ac praecipuus sit gradus iis patefacere, quibus idonea illius remedia provisa sunt.

Etsi rationes tam in aliis regionibus, quam apud nos institutae, ab iis plerumque diversae fuerint, quas hic proposuimus; non defunt tamen exempla felicissimi harum effectus,

fectus, quoties contigit eas obser-
vari.

MAGISTRATUS Ferrariae in Italia,
anno 1630, cum tota regio cir-
cumiecta peste laboraret, vicino-
rum consilium haud prospere cedere
observantes, qui, ne commercio
privarentur veriti, aegris intra do-
mos occlusis, morbum studiose ce-
labant, aliud sequi institutum, ut
primum res postularet, decreverunt.
Itaque haud citius civium quendam
peste ereptum acceperant, quam
totam familiam in valetudinarium
traduci curabant, ubi omnes, sep-
tem numero, similiter morte occu-
buerunt. Atque hac ratione mor-
bo, licet infestissimo, finis statim
fuit impositus. Idem malum septies
aut octies intra spatium anni rediit,
quod eadem ratio toties repressit.
Hoc deinceps exemplum aliae ejus-
dem ditionis urbes haud semel tam
felici

felici exitu secutae sunt, ut communis utilitatis gratia in acta populi Ferrarensis caput illud referre visum fuerit: *Unum pestis est remedium, quam primum fieri potest, eam indicare, atque ita in ipso ortu suppressimere **.

EXEMPLUM non minus insigne hoc Ferrariensi Romae evenit, quando pestis illic saeviit, anno 1657, cuius supra mentionem feci. Postquam morbus vehementissime furens tam divites quam pauperes invaserat, papa cardinalem Gastaldi primarium salutis praefectum constituit, jure totius sacri collegii ad ipsum aliquandiu delato, cum libera potestate quicquid necessarium judicaret faciendi. Hic igitur subpoena severissima edixit, ne qui

* Muratori Governo della peste, lib. 1. c. 5.
homines

homines aegri aut suspecti in aeribus manerent. Aegros primo nuncio ad valetudinarium in Tiberis insula removit, omnesque, qui cum iis habitabant, ad alias domos suburbanas, ut, si in morbum incidissent, ad insulam mitterentur. Eodem tempore diligenter curavit, ut bona eorum ad locum aëri expositum purganda efferrentur. Quae edixerat, tanta constantia exsecutus est, ut ne summae quidem dignitatis homines ab hac tractandi ratione fuerint exempti ; quod primum querelis causam adversus cardinalem propter severitatem praebuit, at cito postea omnes omnium gratias obtinuit ; hac enim ratione bimestri spatio urbem a peste prorsus liberavit, quae per biennium fere illam infestaverat. Et peculiariter observatum fuit, morbum, cum antea domum aliquam invaserat, raro desissee, priusquam totam familiam

T corripuisset;

corripuisset; hoc autem tractandi modo vix quinque ex centum hominibus, qui sani ex aedibus auferebantur, infectos fuisse*.

ILLUD non duco praetermittendum, iisdem rationibus pestem Mafiliae binas hebdomadas fuisse coercitam; quae & penitus forsan potuisset extingui; nisi intempestiva civium confidentia vires illius post hanc intermissionem restituisset; quae, uti accepimus, tanta fuit, ut peste omnino se laborasse negarent, palamque medicos & chirurgos vanum ipsis terrorem injecisse criminarentur †. Quo tempore sine dubio consilia saluti suae necessaria adeo neglexerunt, ut nihil mirum sit, morbum denuo majori

* Gastaldi, De avertendâ peste, c. 10.

† Journal de ce qui s'est passé en Marseille, p. 9, 10, 11.

violentia erupisse, quam ut iterum
vinceretur.

SED praeter haec exterarum nationum exempla, unum haud dissimile gens nostra suppeditat. Cum pestis, quae postremum in Anglia saeviit, oppidum *Poole* dictum apud Durobriges primum intravit, eam magistratus, dimissis ad valetudinaria extra oppidum aegris, statim compressisse, non desunt illic, qui bene recordantur. Indignum facinus tunc perpetratum ad rei hujusce memoriam accuratius propagandam haud parum contulit. Cum nemo inveniri potuit, qui aegris in valetudinaria remotis administraret; oppidani puellam tunc capit is damnatam, ut illud muneris susciperet, adducere sunt coacti, hac conditione, ut veniam mortis ei impetrare conarentur. Puella morbum effugit, omittens vero cum magis-

tratibus agere, ut promissa praestarent, tribus postea aut quatuor mensibus jussu praetoris, quocum sibi dissidium intervenerat, crudeliter suspensa fuit.

ANIMADVERTI hic velim, cum praecepta, quae hactenus tradidi, ea sententia nitantur, quod sanos ab aegris separare contagionem sistendi optima sit ratio; in oppidulis & vicis, ubi commode fiat, utilius fortassis fore, si fani ad tuguria in hunc usum aedificata, aut alias habitationes aëri expositas transeant, quam ut a suis aegri sedibus amoveantur. Apud Gallos hac via, cum reliquae omnes frustra tentatae essent, successit. Hujus autem felix eventus probat aegrorum amotionem, si hac altera uti non liceat, esse aliarum omnium utilissimam.

Post aegrotarum familiarum egressum, aedium, quibus habitabant, tota supellex comburatur, aut alte potius terrae infodiatur, praesertim si patens & apertus locus non detur, quo comburi possit; quia fieri potest in angusto loco, ut particulae aliquot contagiosae in viciniam cum fumo diffundantur: quod Mercurialis scribit Venetiis accidisse, ubi pestis ex magna bonorum infectorum, quae cremabantur, copia incrementum cepit*. Ipsae etiam aedes, si tuto fiat, hoc est, si longe satis ab aliis sint distatae, consumantur igne, alioquin bene prius perpurgatae caemento obstruantur. Ad haec, summa cura advigilandum est, ut quicquid procreare aut alere contagionem possit,

* De pestilent. cap. 21.

auferatur. In hunc finem pauperum cuiusque paroeciae curatores, quibus alii quoque administrari adjungi possint, tenuioris plebis aedicas invisere oportebit; & ubi nimis anguste coarctatos, sordibusque oppletos inveniant, exemptos quosdam ad commodiores domos mittere; omnique subsidio & incitamentis inducere, ut mundius & salubrius habitent.

INTER omnia bonitatis officia nullum magis sibi praemium est, quam istiusmodi caritas: quantivis igitur constat, sumptus bene collocari judicetur. Nihil enim ad primam pestilentiae originem tam prope accedit, quam aër conclusus, vaporebus humidis crassus, sordibusque ex animantium corporibus profectis vitiatus.

CARCERES

CARCERES nostri rei cujusdam, huic non admodum dissimilis, exemplum nobis exhibent; in quibus febrem carcerariam, ut appellant, paucissimi effugiunt, quam malitatis gradus loci augstiis & foetori aequalis semper comitatur. Non minus igitur sapienter urbis saluti, quam miserrimae illic detentorum conditioni clementer a magistratis consulteretur, si curarent, ut omnes custodiae, quantum usus, ad quem destinantur, sinet, mundae sint, & ad auram suscipiendam accommodatae.

CONVENTUS iste juridicus, qui vulgo apud nos dicitur *the black assize*, anno 1577 Oxonii habitus, memoria nunquam excidet*; quo

* Camden. Annal. regin. Eliz.

judices,

judices, viri illustres, cunctique fere qui aderant, numero trecenti, pestiferi vaporis afflatu perierunt: quem nonnulli terram exhalasse arbitrati sunt; nobilis autem & magnus philosophus*, in forum e carcere secum reos attulisse, rectius existimasse videtur; nam illos solos ab eo haud laesos observatum fuit.

EODEM tempore, quo haec aedium cura habetur, iis, quorum munus est, dentur mandata sedulo providere, ut eluantur vici; & a fordibus, morticinis, omnique rerum quoquo modo noxiarum colluvione mundentur; quae omnia noctu asportari oportet: nec sterquilinia proprius urbem congeri sificantur. Mendici, & errores ignavi coercentur; & quorum con-

* Verulam. Hist. nat. cent. 10. num. 914.
ditio

ditio adeo miserabilis est & desperata, ut neque nosocomia publica, neque ergastula, eos aequum sit accipere, ad nosocomium insanabilium, eam ob causam extrudendum, mittantur.

Hujus quidem generis praecepta omni tempestate necessario sunt observanda, in urbibus praesertim frequentioribus; quapropter aegre ferendum est, idoneas ejus rei administrandae rationes Londini & Westmonasterii desiderari, unde cives & honestioris loci homines incommodo indies majori afficiuntur.

Si haec, quae ut mature agantur, praecavendum esse diximus, irrita non fuerint, haud necesse erit vias considerare, quibus aëris intemperies sanetur, purgentur aedes, aut singuli homines a contagione

gione defendantur: quorum omnium, si pestis eo creverit, ut aegri praे numero removeri nequeant, ratio est habenda.

QUOD ad primum attinet, ignis in hunc finem utilitatem omnes fere tam antiqui, quam recentiores laudarunt; qui, ut crebri, & multi ignes in oppidis infectis accendantur, suaserunt. Hoc praeceptum vix alio fundamento niti videtur, quam traditione, qua fertur Hippocrates a peste sic Graeciam liberavisse. Sed est operae pretium observare, ne minimam quidem ejus rei mentionem in Hippocratis operibus fieri. Galeni auctoritati fides ejus potissimum debetur, quanquam alii quoque scriptores idem memorarunt. Galeno enim, theriacae efficaciam adversus pestem laudanti, cum igne comparare visum est. Hinc, capta occasione, narrat pestem, quae ab Aethio-

Aethiopia in Graeciam transferat,
 ab Hippocrate depulsam, aëre per
 ignes accensos purgato, in quos
 herbae fragrantes, flores, & un-
 guenta maxime odorifera conjicie-
 bantur *. Verum enimvero inter
 epistolas Hippocrati adscriptas, fictas
 quidem illas, at Galeno antiquiores,
 extat decretum, in Hippocratis ho-
 norem ab Atheniensibus, ut prae se-
 fert, editum ; in quo, enarratis be-
 neficiis, quae pater ille medicorum,
 peste saeviente, in patriam contule-
 rat, id unum memoratur, eum di-
 scipulos suos bene institutos in varias
 regionis partes misisse, ut morbo
 mederentur. Unde facile quis cre-
 dat, hanc de ignibus narrationem vix
 aut ne vix quidem tunc temporis in-
 notuisse, cum illae epistolae scribe-
 bantur. Praeterea diu post Hippo-

* Lib. de theriac. ad Pison.

cratis mortem eam fuisse confictam, ex Sorano quoque magis adhuc confirmari videtur; qui tantum generatim scribit, pestilentiae adventum ab Hippocrate praedictum fuisse, curamque civitatum Graecarum suscepit, nulla omnino remedii hujus mentione facta. Plutarchus quidem aliquid huic consimile in usu fuisse, & a medicis vulgo probatum dicit; quod ea de causa memorat, ut morem quendam illustret inter Aegyptios receptum: qui, ut ait, resinae myrraeque nidore aërem purgant; sicut medici ligna odorata, juniperos, cypressos, cum aliis ejusdem generis, comburendo, pestilentiae temporibus aërem impurum detergunt, crassumque attenuant*.

* Plutarch. Lib. de Isid. & Osir.

HANC summam esse illorum existimo, quae ex antiquis de hac re edisci possint; unde liquet scriptores, cum Hippocratis auctoritatem & exemplum opinioni suae praeterenderunt, de ignium vulgatorum usu hic temere nimis pronunciasse, etsi quod scribit Galenus, verum fuisse admitteretur. Non enim hinc videbitur Hippocrates iis vim tantam tribuisse, cum ab aromaticis insuper exhalationibus auxilium petere necessarium duceret. Sed supervacaneum est huic rei diutius immorari, cui solida deest auctoritas. Plutarchi, quem modo adduxi, locus medicorum illorum, qui consuetudinem istam approbarunt, mentem clarius aperiet. Sperarunt enim, ut videtur, fore hinc ut aëris impuritas & crassitudo dispelleretur. Et sane non dubium est, quin vitiæ aëris affectiones, quae ex vaporibus

poribus, exhalationibus, & quae hisce sint similia, oriuntur, vel communibus ignibus possint in melius converti, atque ea constitutio illius ab his causis profecta, qua ad contagionem recipiendam aptus redditur, nonnunquam removeri. Hoc autem, si necessarium sit, ante pestis adventum faciendum esse censeo. Postquam enim morbus initium sumpsit, viresque collegit, cum notum sit eum aestivo ardore spargi & augeri, contra vero frigore hyberno reprimi; sine dubio quicquid ardorem istum promoveat, tantundem morbi violentiae adjicit: quemadmodum Mercurialis observat, Venetiis suo tempore pestem in fabros ferrarios, caeterosque omnes, qui ad ignem operabantur, maxime saeviisse*. Num ignium

* De peste c. 22.

utilitas ullis aliis rationibus hoc incommodum compenset, necne, sola experientia demonstrare poterit; & fatales exitus, quos in novissima apud nos peste hujus rei experimenta habuerunt, ne plura istiusmodi in posterum fiant tentamina, satis superque deterreant: nam ignibus per omnes vicos totum triduum imperatis, nocte una insequenti non pauciores quatuor milibus, ut Hodges refert*, obierunt; cum singulis vel prioribus, vel posterioribus hebdomadis, qui mortui efferebantur, nunquam in duplum ejus numeri excreverint. Idem quoque in nupera Massiliensi peste frustra tentatum fuisse invenimus †.

* De peste, p. 24.

† Journal de ce qui s'est passé à Marseille,
p. 19.

QUOD de ignibus dictum fuit, idem intelligi debet de tormentis explodendis, quod temere nimis aliqui suaserunt. Aëri optima mendendi ratio esset, purum ac frigidum reddere. Hinc Arabes*, qui morborum pestilentium naturam optime perspectam habuerunt, aëris opportunitates, quantum liceat, captandas, domosque ventis accipiendas idoneas sublimioribus locis extructas, ac rivis praeterfluentibus refrigeratas, petendas esse monent.

QUOD ad domos attinet, primo curandum est ut mundae serventur; nam ut spurcitia fons magnus est contagionis, ita optimum illius remedium est munditia; unde vera ratio appareat, cur pauperes morbis con-

* Rhaz. De re medica, l. 4. c. 24. & Avicenn. Can. med. l. 4. c. 1.

tagiosis

tagiosis maxime sint obnoxii. De Persis observatum fuit, et si regio illorum singulis annis peste circumdetur, ipsos tamen raro aut nunquam ab illa detrimenti aliquid capere; eos autem omnium gentium munditiae studiosissimos esse pariter notum est, nec multos inter illos deesse, quibus in partem haud minimam religionis veniat, omnes fordes ac spurcitiem ab urbibus & tectis undique removere*.

PRAETEREA domos frigefacere monent Arabes, tanquam aliam purgandi rationem; in quem finem herbis refrigerantibus, quales sunt rosa, violae, nymphaeae, & aliae, eas sternere, item aqua acetoque eluere, praecipiunt: quibus omnibus, praesertim ultimo, nihil commodius

* Gaudereau, Relation des especes de la peste, que reconnoissent les orientaux.

esse potest. Neque ab re esse vide-
tur, aceto, aut solo, aut nitro im-
mixto, candenti ferro laterive impo-
sito, aedes fumigare; licet hoc
contrarium sit iis, quae recentioris
aevi scriptores plerumque praescri-
bunt; qui benzoino, thure, storace,
aliisque calidis medicamentis suffu-
migare jubent: ex quibus nihil ad-
jumenti, quod sciām, expectari
potest, vel ad materiam contagio-
nis tollendam, vel ad locos singu-
lares tuendos, quo minus eos affi-
ciat; quae duo hic sola intueri oport-
et. Sulphuris fumus, cum acido
spiritu abundat, quem vi maxima
penetrandi, & fermentata repri-
mendi, praeditum esse experientia
constat, commodi aliquid forsan
hic adferat.

SICUT vapores calidi inutiles ple-
rumque videntur, ita beneficorum
fossilium exhalationes periculosae
sunt

funt habendaे. Nequeo igitur, quin omnes hydrargyri, vel arsenici fumigationes dissuadeam : nedum monerem, quod placuit quibusdam, ut arsenicum, scrobiculo cordis appositum, vice amuleti geratur ; quae res pessima saepe dedit incommoda, nec proba aliqua auctoritate nititur ; sed ex errore, ut videtur, initium sumpsit, Arabica voce *darsini*, quae *cinnamomum* significat, pro Latina *de arsenico*, falso accepta, uti olim ostendimus*.

POST domorum purgationem proximo loco considerare oportet, quibus potissimum rationibus singuli homines adversus contagionem se possint defendere ; cui rei ut efficienter provideretur, necessarium esset

* Mechan. account of poysons, Essay III.
X 2 sanguinem

sanguinem & succos corporis in eum adduci statum, quo nullas mutationes a contagionis materia paterentur. Quia autem id non magis sperandum est, quam singulare aliquod medicamentum, quo a variolis defendamur ; quod summum hic facere licet, curandum est illam corporis temperaturam conservare, ut ei, quam minime fieri poterit, noceatur. Prima autem hoc efficiendi ratio est, incolumem valetudinis statum tueri, quo minus semper obnoxii sumus injuriis extrinsecus accipiendis ; & corpus evacuando non infirmare. Altera est, omnem animi abjectiōnem & affectus immoderatos evitare, quibus ad crebriorem variolarum contagionem viam aperiri quotidie cernimus ; ad quem finem ut victu generoso ac salubri temperate uti oportet, sic a jejuniiis, vigiliis, nimia lassitudine, & id genus aliis abstinere. Alia defensionis ratio est,

est, ut, quibus remediis expedit, ab inflammatione sanguis cohibeatur. Hoc, si nequeat efficere, quo minus contagio contrahatur, vim tamen illius imminuet. Adjumenta ad illud efficacissima, ex Arabum medicorum de pestis remediis consilio, sunt acidi fructus frequentissime sumpti, cujusmodi sunt mala granata, aurantia Hispalensia, limones, acerba poma, & similia; sed ante omnia aceti vinacei modicae potionis, quibus aliae res infusae, quales sunt radices gentianae, cypurus, zedoaria, & baccae juniperi, stomacho gratiiores reddant. Et haec quidem medicamenta aceti acrimoniam, & malos quosdam ejus effectus tollendo, quibus stomacho alias officere posset, haud parum proficient; quae tamen, cum aliis omnibus calidae naturae pharmacis aromaticis, auctoribus quantumvis commendata, si sola adhibe-

adhibeantur, sanguinem nimis calefaciendo nocitura potius videntur.

FONTICULORUM etiam usum nequeo quin comprobem; qui, ut mihi videtur, in femine paulo supra genu commodissime incidi possint. Praeterea mos tabaci fumum hauriendi, a nonnullis multum laudatus, cum res sit factu parum incommoda, cur negligatur, non video.

QUUM autem nulla ex his rationibus certum aliquod polliceatur auxilium, ut locum infectum relinquere optimum est praefidium; ita huic proximum, ad aegros, aut qui nuperrime convaluerunt, propriem accessum, quoad liceat, devitare. Majoris igitur securitatis gratia consultissimum erit omnes hominum turbas fugere. Imo magnopere interesset omnia inutilia hominum

minum conventicula a magistratu
inhiberi, omnesque, qui ex morbo
convaluerunt, prodire ante in publi-
cum, quam domi aliquandiu se con-
tinuerint, vetari.

MONITUM de propiori ad aegros
accessu cavendo, de cadaveribus
etiam intelligi debet; quae, ab ae-
dibus quam longissime fieri po-
test, alte humanda, & diligen-
tissime contegenda sunt. Noctu
etiam efferri oportet, dum adhuc
recentia sunt, & a putrore vacua;
quia cadaver, priusquam putrefascere
incipiat, si a calore diurno conser-
vetur, nullos fere vapores aut efflu-
via emittit.

RESTANT quaedam in eorum u-
sum dicenda, qui necesse habent
aegros curare. Haec autem ad
duo brevia praecepta reduci possunt:
alterum est, ne sorbeant salivam,
sed

sed potius expuant, dum versantur cum aegris: alterum, ne spiritum ducant, quando proxime ad illos accedunt. Ratio utriusque apparet ex iis, quae de modo, quo sanus contagionem accipit, supra diximus. Sin autem constans horum praceptorum observatio difficilior sit, os frequenter aceto colluere, & spongiam eo madidam naribus admoveare, vicem illorum aliquatenus praestare poterit.

HAEC est summa eorum, quibus reor in loco aliquo, quem pestis invaserit, progressum illius sisti posse. At si qua ex his praexceptis Londinum potissimum spectant, ad alium quemcunque locum levi mutatione accommodentur. Restat nunc ut, quo pacto morbi ab oppido in oppidum transitus cohibeatur, exponamus. Optima id assequendi ratio, ubi fieri potest (urbes enim

enim maximaे non admittunt) est infectum oppidum, commodo interjacente spatio, circumvallare, custodibusque additis impedire, quo minus aliquis, nisi certis conditionibus adstrictus, in alia exeat oppida; non autem omnibus egrediendi potestatem penitus adimere, qui mos vulgo apud exterros receputus, & in Gallia nunc servatus, severitatis minime necessariae, ne dicam crudelitatis, speciem habet. Satis erit, opinor, si omnibus egredi cupientibus, accepta prius viginti circiter dies in tentoriis aliisve magis idoneis habitationibus agendi lege, exitus pateat. Sed cura maxima huc debet intendi, ne quis, eo haud prius peracto, quod dicta lege fuerit constitutum, exeat; cum disponendo ubique diligenter vigilias, tum poenas gravissimas repetendo ab iis, qui ita fecerint, aut facere conentur. Qui ut faci-

lius deprehendi possint, ab omnibus, qui in quacunque regionis parte iter faciunt, literae, publica auctoritate munitae, sub iisdem poenis requirantur; quibus certum fiat, aut a locis contagionis expertibus eos venire, aut limitibus egredi permisum fuisse.

Sic longe melius, ne contagio se diffundat, fore providendum credo, quam si nulla omnino egrediendi libertas permittatur. Cum enim in tam instanti mortis periculo homines versantur, multi sine dubio clandestinam fugam, quanticunque constiterit, si libera non detur, meditabuntur. Et vix aliter evenire potest, quin suus quibusdam succedit conatus; quod in Gallia quo minus saepe accideret, ne maximam quidem vigilantiam prohibere potuisse videmus. Ab uno autem, qui clam evaserit, magis timenda

menda erit contagio, quam a vi-
ginti aut centum, qui, praescriptis
legibus parentes, egrediendi veniam
impretraverint; idque vel ob hanc
causam, quod ea disciplina loci
contagium, a quo fugit, multo fiet
intensius. Nam ingens hominum
multitudo, in uno loco inclusa,
vim morbo adjicit. Exemplo hoc
quadantenus apparet, quod a doc-
tissimo Gaffendo traditum inveni-
mus, in narratione sua pestis nota-
bilis, quae Diniam in Provincia,
ubi habitabat, anno 1629, popu-
lata fuit. Pestis haec adeo funesta
erat, ut una aestate ex decem mil-
libus incolarum haud plures quam
quingenti supra mille relinquen-
tur, e quibus vix quinque aut sex
erant, qui morbo affecti haud fu-
issent. Hujus autem tantae cladis
illam praecipuam fuisse causam exi-
stimat, quod cives rigide nimis
coercabantur, adeo ut ne quidem

in villas suas excundi libertas ipsis
concederetur. Etenim cum alia
pestis post menses octodecim illic
erupit, majori libertate permissa,
haud plures quam centum homines
perierunt*.

His adductus rationibus viam
credo tam contagionem supprimen-
di efficacissimam esse, quam eos,
inter quos saeviat, tractandi huma-
nissimam, si incolis ab infecto loco,
idoneis cautionibus adhibitis, re-
movendi se detur facultas. Et
sane infecta oppida circumvallandi
ratio, his conditionibus instituta,
qua nulla certe ad propagationem
morbi coercendam magis accom-
modata excogitari potest, nihil de-
trimenti locis circundatis adferet.
E contrario potius iis proderit, quan-

* Notitia ecclesiae Diniensis.

doquidem

doquidem custodiae ita securitati eorum provideant, qui convehunt cibaria, ut a metu sint liberi, quo alias absterrerentur.

OMNIBUS id genus timoribus occurere tanti est momenti, ut cum urbes propter magnitudinem circumvallari nequeant, uti, verbi causa, urbs haec Londinum, inter est magistratum summam adhibere diligentiam, quo is defectus compensetur; in quem finem non tantum repagula extra urbem collocari oportet, sed etiam ea locis istis accuratissime observanda imperari, quae regioni circumjectae satis potissimum factura videantur.

QUAMVIS autem exeundi libertas hominibus concedatur; nullum tamen omnino mercium genus, quarum materia contagionem retinebit, extra limites constitutos debet transportari.

portari. Etenim, quod hic ponitur, cum partem aliquam regionis lues invasit, cura multo impensiori opus est, ne semina spargantur pestifera, quam cum longiori adhuc spatio morbus a nobis distet: quia mercium fascis, qui in Turcia, locisve aliis remotis, contagiosam inter componendum auram combiberit, ex salubriori aëris temperamento, cum hic evolvitur, minus forsan noceat: ubi autem aér in oppido aliquo inter nos adeo corruptus fuerit, ut pestilentiam foveat ac propaget, vix credendum est in caeteris regionis partibus illum multo esse puriorem.

Ob eandem rationem quadragesimarum observatio severius imperanda est, si pestis in oris confiniibus, quam si in terris remotioribus saeviat.

CONSI-


CONSILIIUM hoc de mercibus datum, non tantum argumentis, quibus merces in loca procul diffita posse contagionem disseminare supra ostendimus, abunde confirmatur; sed multis etiam exemplis malorum, quae ex cautionis hujus neglectu pestis temporibus fuerint accepta, ulterius illustrari posset. Duo commemorabo, quae, cum postremo morbus iste inter nos grassabatur, acciderunt. In oppidum, cui nomen est *Poole*, eum pervenisse supra observavi *. Illuc autem in circumforanei cujusdam propolae sarcinulis allatum fuisse, a viris fide dignissimis accepi. Ad vicum quoque *Eham*, in montuoso Coritanorum tractu, qui *Peak* dicitur, situm, pervenit in cista, quae ad sartorem illuc cum rebus quibusdam arti illius necessariis, Lon-

* Pag. 139.

dino fuerat advecta. Cum multa autem exemplum hoc posterius contineat, quibus praecepta hactenus tradita, non ea tantum de mercibus, sed & caetera omnia, quae ad transitum pestis ab alio in aliud oppidum cohendum spectant, confirmantur; rerum, quae illic transactae fuerunt, narratione huic capiti finem imponam. Famulus, qui cistam primus aperuit, cum res humidas esse quereretur, eas siccare jussus, dum igni admovit, peste correptus obiit: reliquam omnem familiam idem eripuit exitus, excepta fartneris conjugi, quae morbum evasit. Lues inde diffusa in vico ac reliqua paroecia, licet parva esset, supra ducentos homines absumpsit. Quanquam autem tanta violentia morbus saeviret, ne tamen paroeciae illius terminis excederet, viri reverendi, qui vicem egit parochi, cura provisum fuit; a cuius filio, id muneris

neris jam obeunte, alioque viro honesto, rem, ut facta est, didici. Suasit enim vir prudens, ut aegri ad casas in agro compascuo exstructas asportarentur, & nobilissimi Devoniae Comitis ope, quae ad victum necessaria erant, incolis copiose suppeditari curans, ne quis e paroecia egrederetur effecit ; atque hoc pacto vicinos suos a contagione feliciter admodum servavit.

PRAECIPUIS jam capitibus praesidii adversus pestem expositis, pracepta quaedam generalia de curatione ejus adjiciens librum hunc absolvam.



C A P U T III.

De Pestis curatione.

EX iis, quae in principio hujus tractatus dicta fuerunt, apparet, pestem & variolas morbos esse inter se admodum consimiles ; cum utrique sint contagiosae febres ab Africa profectae*, quas certae quaedam eruptiones comitantur : ac uti in variolis eruptionum vel pustularum duplex est genus, unde morbus in duo genera, distinctum & confluens, divisus fuit ; ita pesti quoque duo eruptionum vel tumorum genera adesse ostendit.

* Pag. 60.

† † †

dimus.

dimus*. In priori ac mitiori variolarum genere pustulae supra cutem alte insurgentes, pus digestum continent; sed in altero planae ac depresso, cruda sanie complentur. Inter duo criticorum in peste tumorum genera major est adhuc differentia. Cum morbus est lenissimus, materia morbida juxta corporis extremitatem, in glandularum aliquas mollissimas, uti in inguinales, axillares, parotidas, aut maxillares ejicitur; cuius primum indicium est nonnihil duritiae, calor ingens, rubor, dolorque acerbus juxta istas glandulas. Hi tumores, si aeger convaluerit, sicut variolarum distinctarum pustulae, justa suppuratione morbum egerunt. At cum morbus est gravior, aut loco tumorum, aut una cum ipsis exfur-

* Pag. 43, 44.

gunt carbunculi; horum primum dat indicium exiguus admodum tumor induratus, haud ullam certam sedem sortitus, cum rubore subfuscō, violento aestu, dolore acerrimo, & subnigrā in medio tumoris macula. Haec macula gangraenae est initium, quae, prout increscit tumor, se latius exten-dit.

SED praeter hanc similitudinem in criticis suis eruptionibus, mani-festius adhuc congruit uterque mor-bus in lividis illis nigrisque maculis, quae in peste frequenter sunt, ac mortem instantem nunciant; nam eaedem aliquando variolas, nec minori cum periculo, comitantur: immo vidi nonnunquam singulas fere pustulas hac specie indutas. Praeterea in utroque morbo, si sit solito malignior, sanguis aliquando per os, cum urina, aut alio modo
excer-

excernitur *. Accedit his, ut ex viscerum gangraena in utroque mors vulgo consequatur. Hoc medici inter Gallos semper in peste animadverterunt; idemque in variolis fieri, ex multorum, qui eo morbo perierunt, dissectionibus, quarum observationes penes me sunt, comperatum habeo.

HAEC morbi utriusque convenientia non tantum nos docet, nullum magis ad pestem, quam variolas, ab antidotis, ac pharmacis singularibus sperandum esse remedium; sed etiam in morbi minus noti curatione, ex iis, quae in altero profundunt, nos diriget.

IN summa, ut in variolis praecipua pars curationis in primis viis

* Vid. Observ. & reflex. sur la maladie de Marseille, p. 333.

initio purgandis, mitiganda febre,
& excretionibus naturae promovendis consistit; sic in peste curanda eaedem rationes locum habebunt. In eo maximum ponitur discrimen, quod in peste multo saepe acutior, quam in altero morbo, sit febris; stomachus nonnunquam & intestina inflammatur; & eruptiones externa medicamenta requirant, quae ad variolarum pustulas raro sunt necessaria.

CUM febris vehementissima sit, ea, quibus calor leniatur, adhiberi convenit; quod ut in variolis plerumque utilissimum est, ita hic magis necessarium. Sed ubi pulsus languescat, nec calor sit immodus, cardiacis potionibus moderatis uti oportet.

STOMACHI & intestinorum ad inflammationem proclivitas facit, ut vomitus

vomitus plerumque non aequa in
peste, ac in variolis tuto adhibe-
tur. Lenissima vomitoria, quorum
nullum ipecacuanha est melius, su-
menda sunt; & diligenter cavere
oportet, ne stomachus vel inte-
stina, dum administrantur, inflam-
matione laborent; quod si eveniat,
mors certa ab iis intentatur; ali-
ter sub initiis semper proderunt.
Primo igitur morbi accessu accu-
rate attendendum est, an ulla in-
flammationis indicia in iis corpo-
ris partibus se ostendant; quorum
si qua forte appareant, omnes o-
mittendae sunt vomitiones; sin
minus, stomachus leniter est mo-
vendus.

ERUPTIONES, sive glandularum
tumores, sive carbunculi, non, u-
ti fit in variolis, naturae arbitrio
sunt permittendae; sed quantum
potest, extrinsecus admoveri debent,
quae

quae opus sunt, ut suppurent. Utrumque tumorum genus similem tractandi rationem ex maxima parte requirunt. Alterutri, ubi primum apparet, cucurbitula sine scarificatione adhibetur; & cum ea aufertur, cataplasma suppuratorium, vel emplastrum ex gummi calidae naturae confectum, impo-
natur.

Si, quod plerumque fit in carbunculis, tumores non suppurent, sed *iχωρ* per poros exeat; aut si tumor molles sit tactu; aut denique si incrustatus nigrescat: tum incisione, vel in tumoris longitudinem, vel decussatim facta, aperiri oportet. Et si qua pars gangraena corrupta sit, ut saepissime accidit in carbunculo, scarificari debet. Post haec necesse erit sanguinem sisti, atque humorem cauterio exsiccari: deinde vulneri adhibeantur linamenta & peniculi,

peniculi, peptico vulgari, ex terebinthina cum vitello ovi confecto, illita; & in mixtione, cuius duae partes ex oleo terebinthinae calefacto, & una ex spiritu salis ammoniaci, consistunt, vel in balsamo terebinthinae, intincta: atque his cataplasma ex theriaca Londinensi superinjiciatur.

POSTRIDIE vulnus calido ex plantis aromaticis fomento, cui vini spiritus admiscetur, perlui oportet, ut, si fieri possit, digeratur, quo solventur crustae. Ulcus deinde, uti in abscessu communi fieri solet, tractetur.

PRAETEREA cum glandularum tumores suppurant, non manendum est, dum materia ad cutem extiorem pervenerit; sed via est aperienda, ubi primum ceperit aliquid incrementi; quoniam hi tu-

A a

mores

mores alte in glandula oriuntur, & haud raro ante putrescunt, quam cutem attigerit suppuratio: quod Gallorum medicis in cadaverum mul- torum dissectione fuit exploratum.

HAEC est pestis tractandae ratio, si in morbo cursum naturae teneamus. Sed aeger hic, licet cura, ut cum maxime, adhibetur, tantum plerumque adit discrimin, ut humano generi in hac calamitate maxi- mo foret usui, si qua via minus periculosa, quam illa naturalis, ad corruptos humores ejiciendos arte posset reperiri. Ad hanc rem larga sanguinis missio & profusus sudor non sine experientia nobis commendantur.

CLARISSIMUS Sydenhamus*, qui utraque harum exinanitionum usus fuit, duo de iis acerrimo judicio

* De peste.

observavit.

observavit. Unum est, quod tentari illas non oporteat, nisi in morbi principio, antequam naturali cursu diu invaluerit; alioquin nihil aliud expectandi locus erit, nisi ut omnia, sine ullo commodo, perturbentur. Alterum est, quod nullum omnino successum ex alterutra earum expectari liceat, nisi admodum fuerint copiosae; quandoquidem tantam malignitatem evinci posse minime sperandum est, si non audacius aliquid attentetur, quam morbis usitatoribus conveniat.

SANGUINIS missionem, ut nuper ex Gallia intellexi, medici quidam illic tantopere usurparunt, ut die, quo morbus incepit, primum duodecim circiter uncias, deinde ad singula binarum horarum spatia quatuor vel quinque detraxerint. Atque ea res prosperrimum successum habuisse ab iis dicitur, ptisa-

A a 2 narum

narum tantum refrigerantium, aliarumque ejusmodi sorbitionum adjumento, quas simul affatim sumi praecipiunt. Tam larga sanguinis detractio, haud aeque forsan nostrorum corporum, atque illorum, constitutioni congruat; in morbis enim vulgaribus uberius id facere, quam nos, solent: in hoc tamen morbo liberalius, quam in quovis alio, si quid commodi ex eo speremus, sanguis mittendus est. Quantum detrahi oporteat, nondum id expertus diserte non definiam: illud tamen non ab re sit admonere, in re adeo desperata consultius esse, aliquantum adire periculum, ne modum excedamus; quam justam quantitatem non detrahendo, ut aeger intereat, permettere.

SUDOR, quae altera est ratio proposita, per horas viginti quatuor nequaquam

nequaquam intermitti debet, ut
monet Sydenhamus. Qui ea, quae
huc spectant, adeo diligenter pree-
scripsit, ut paululum restet, quod
mihi opus sit dicere. Illud igitur
tantum adjiciam, theriacam, ali-
aque hoc genus solida medicamen-
ta, quae stomachum offendunt, ad
sudorem eliciendum non maxime
esse idonea. Magis mihi arridet
serpentariae radicis Virginianae,
vel, si haec defit, alias cuiusdam
calidi aromatici in ferventi aqua
infusio; quarta parte aquae the-
riacae, & idonea syrapi limonum,
ut dulcescat, quantitate addita.
Hujus optimos vidi effectus in mor-
bis, quibus eadem est natura, ac fe-
bri carcerariae, quae ad pestem proxi-
me accedit.

NUM alterutra harum ratio-
num, hoc est, sanguinis missio,
aut sudor, rei propositae respon-
deat,

deat, necne, usus solum diurnior ostendet; periculum tamen facere omnino oportet, praesertim ubi ex naturali morbi cursu parum successus expectetur.

F I N I S.

Errata.

PAG. 5. v. 13. *lege*, glandularum. 47. 21. adveni-
ant. 64. 7. senferunt. 75. 21. sensibiles. 112. 9.
quam—extinguebatur. 122. 4. pericolosum. 133. 20,
tantum. 134. 15. praecipuus. 163. 4. impetraverint.



